

7 Maria Rom. ant.  
~~Julia~~ ant.



9

~~4-D~~

53



~~2-4.D.54~~



XIII. 173. 2. 219- XVII. 4. 36.

IN C. I. V. L. I. I.

CAESARIS CLARISS.

ROM. IMP. COMMEN-

TARIOS DE BELLO

GALLICO ET

CIVILI.

HENRICI GLA-

REANI, POETAE LAV

REATI ANNOTA-


TIONES.

\*

VIRTUTE DVCE,



COMITE FORTVNA.




APVD SEB. GRYPHIVM

L V G DVNI,

1546.

*Minorey J. Golman*





# DN. GVIDONI AC

PROSPERO GENERO-

sis Baronibus à Gebennis

Henricus Glareanus

S. D. P.



**V**IX alius est autor, Dn. Guido ac Prosper generosi Barones, in quem annotationes scribere minus conueniebat, atque in hunc C. Cæsarem, quòd nullus alius in Latina lingua autor sit purior ac tersior, testibus eloquentissimis, clarissimisq; uiris, qui partim huic hostes, partim amici summi fuere, imò plures eodem cum eo uixere tempore. Atqui hoc nobis actum est, ut intelligant Lectores annotationes non in autorum calumniam, ut quidam falsò opinantur, scribi, sed maxima ex parte in ipsorum defensionem, quorum libri temporum iniuria corrupti ab erroribus uindicantur. In Cæsare nemo, ut in Liuiο, Geographica culpare potest. Nam ea in re mirè cautus fuit Cæsar: Nemo fabulas, quippe cuius historię ueritatem ne inimicissimū quidem aut reprehendere, aut culpare potuere: Nemo Patauinitatem, aut Hispanitatem, cū nihil illo Latinus autore, nihil mundius, nihil quod minus exteram, ac à Romano eloquio alienam sapiat phrasim. Quid ergo in eo, inquiet aliquis, annotatione dignum? Nihil sanè, quàm quod librariorum culpa deprauatum, ac expositione in priscorum Gallię populorum appellatione erratum, id potissimum hic emendandum suscepimus. Res est in locorum descriptionibus, populorumq; nomenclatura, nōnihil etiam in numeris, quę haud facile expediet, cui Gallia & Germania, duę nationes, & earum ipsarum lin

gue non optimè notæ. Mihi quidem homini in Gallia na-  
 to, quanquam magna ex parte, at ut totam tamen Galliam  
 uiderem non contigit. Heluetios autem, antiquam Galliæ,  
 et libertatem, et maiestatem, et linguam priscam Celta-  
 rum etiamnum obtinētes, ut prorsus uiderem, utiq; licuit:  
 Germaniam bona ex parte, non uidi tantum, sed linguam  
 etiam eorum non multum à ueteri Celtarum distantem, di-  
 dici, ita ut de plerisq; locis certius definire non fuerit mihi  
 difficile. Fuit ante ætatem nostram Raymundus Marli-  
 anus, uir quidem diligens, et cui studiosi omnes, ob laborem  
 quem in hunc suscepit autorem, gratiam debent haud me-  
 diocrem. De quo, ut inficias ire non possumus, pluribus il-  
 lum errasse locis, ita fateri necessum habemus, multis exi-  
 mijs uiris altiora cogitandi dedisse eum occasionē, ac mul-  
 to maximam meliora inueniendi ansam. Quod potuit, fe-  
 cit, ea sanè ætate qua literæ bonæ nondum in hoc culminis  
 ac dignitatis peruenerant. Erant item ante annos aliquot,  
 ut hodie quoq; , qui simili nominum tinnitu sæpe allucina-  
 bantur, quemadmodum Aeneas Syluius Elsatiam credidit  
 Heluetiam. Ita quidam alij Arolam Heluetiorum flumen  
 Ararim: Bacenin syluam, eam, quæ hodie corruptè Nigra  
 dicitur. Et in remotioribus, Cimbros, Flandros: Danos,  
 Dacos, cùm res longè aliter habeat. Idem erroris accidit  
 in nomine Gebenna, cùm montis nomen sit, qui Aruernos  
 ab Heluijs discludit, ut Cæsar inquit libro septimo. Hodie  
 tamen quidam Genabum ad Ligerim fluuium, Aureliam  
 nunc nominatam: quidam Geneuam ad lacum Lemānum,  
 unde et gentilitiæ uestræ nomen adhuc uiget, nominare  
 Gebennas non uerentur, quem publicum errorem facilius  
 admiretur quispiam, quàm corrigat, adeò semel recepta  
 uulgò difficulter abolentur. In primis itaque cauendum est  
 nobis,



3

nobis, ne tinnitus ille nos quoque decipiat: neque enim satis est ὁμοιοτέλεστα esse nomina: sed necesse, ut locus, ut tempora, ut descriptio quadret. Si Aeneas Syluius treis à Casare descriptos Helueticorum limites attendisset, facile uidere poterat, nullo pacto Elsatiam dici potuisse Heluetiam. In aliquibus tamen, cum locus, descriptio, atque alia desunt, multum similiter desinentia adiuuant, maxime in proprijs hominum, quantum ad linguam attinet. Quod nos in his nostris annotationibus sepius sumus secuti. Vobis autem hunc dedicare laborem utile operæ pretium existimaui, quod parente sitis nati, qui opera et principis, et bel-latoris simul exhibere potest: quod multis asperis in rebus turbulentissimo hoc seculo ostendit. Honorificum hoc quidem, et omnibus laudandum seculis, sed nobis parum profuturum, ni et uigilans emulatio, et uestrae uirtutis decora accesserint. Nam splendidum te, si tuam non habes, aliena claritudo non efficit, inquit Boëtius. Id quod equidem uos facturos haud dubito. Id enim specimen dedistis nobis sub præceptore Nicolao Glareio eximie eruditionis uiro, ac nobis charo, ut parens uester eam de uobis sibi

spem uerè concipere queat, ut aliquando in uobis sibi renatus uideatur. Quod ut fiat secundum uota nostra, Christum optimum maximum

precamur. Valet, et me uicissim a-

matè. Friburgi Brisgoiæ,

Anno à natali Dominico

M. D. XXX-

VIII. Ca-

lendis

Aprilibus.

\*

# INDEX EORVM QVAE HISCE IN ANNOTATIONI- bus enucleata deprehendes.

A		Arelatum	103
<b>A</b> Bbatis Cella	22	Arecomici	78.86
Acronius lacus	53	Ariouistus Erenuest, postea	
Aegidius Tschudus lauda-		Ernst	21
tur 19. & postea sepè		Aristotel. opinio de Pyrene	
Aestuaria	43	monte confirmata	78
Actuatij Rheti	52.61	Arola flu. uulgò D'ar	29
Agendicum	86	Aruerni	33
Alarij milites	37	Ascaldes	81
Alba Albensium	102	Auenticum	22
Albici qui	102	Augia uulgò Richenaw	54
Aluta	43	Augusta Rauracorū	23.57
Amagetobria	34	Augusta pratoria	27
Ambiorix Hainrich	21	Aulerci triplices, Diaulitæ,	
Amphipolis	115	Cænomāni, et Eburaici	44
Anartij	79	B	
Angliæ nomen	40	Bacenis sylua	71
Annotinæ	65	Basilea	22.23
Antennæ	43	Beco, id est, rostrum	18
Antuates	42	Becken, uerbum, id est, ro-	
Africæ urbes memorabiles		stro ferire	19
117		Belgium	65
Aquæ oppidū Heluetiorum		Berna ampliſſima Heluetio	
nobile	23.29	rum ciuitas	22.23.30
Aquitaniæ populi	45	Brygen & Bregen Danu-	
Arar fluius	28	bij fontes	78
Arduenna sylua	64	Bipennes oppidum	20
		Birſa	

# I N D E X.

Birsa flu. Rauracorum & Se-	Castigus kastrich	21
quanorum limes 23.57	Castulo urbs Oretanorum	
Bituriges duplices Vbisci, et	103	
Oecubi 83	Catamãteles Caltmantel	21
Bodincus, id est, fundo ca-	Cataractes maior Rhœni de-	
rens 18	scriptus 35	
Bodincomagus oppidum ad	Cataractes minor Rhœni, uul	
Padum 18	gò, Lauffenberg 36	
Boëmi 24.72	Causam dicere quid 21	
Boij qui, & eorum sedes 24	Celtica lingua, qui populi	
Brigantinus lacus 33	hodie utantur 17	
Britanniæ nomen 40	Celtarum nomen quàm latè	
Britannia quomodo trique-	pateat 15	
tra 65	Centones 107	
C	Centrones & Canturiges in	
Cadurci 82	Graijs alpibus 26	
Cæsaris loci aliquot tracta-	Charudes 34	
ti 48.49	Cherusci qui 71	
Cæsaris uerba malè à Lucan	Cimbri 34	
do tractata 63	Cisalpina Gallia 14	
Cæsar & Romani Gallicæ	Cisalpini Galli à Transalpi	
linguæ uocabula mirè tor	nis originem trahunt 14	
serunt ac corruperunt 18	Ciuitas equestris 22	
Cæsaris stylus comparatur	Clarona Glareani patria	
Aristotelis stylo 14	22.66	
Calaguritani 105	Commentarius quid 13	
Capitis diminutio 109	Confluens pagorum & Rhe	
Capreoli 108	ni 22.30	
Carina 43	Conuentus 38	
Carpates mons 79	Cornelij Taciti locus de E-	
Carpathos insula ibidem	remo Heluetiorum expli-	
	catus	

# I N D E X.

catus	72	Fridolinus uir sanctus	56
Cornelius Tacitus notatus		G	
73		Galba kalb id est, uitulus	
Cotuatus Guotwad, ut Gu-		pro homine obeso	18
otschenkel	97	Galatarū lingua est Celtica	17
Curia Rhethorum	53	Galleci	93
D		Galliæ citerioris diuifio in	
Daci	79	Transpadanam & Ciffa-	
Danubij fontes qui sint ma-		danam	96
gna ambiguitas	77	Gallicæ antiquæ linguae the-	
Drusiana uallis, uulgò wal-		mata adhuc in Fræcorū ho-	
goew	53	dierna lingua corrupta	16
Dumnorix Dumrich	21	Galliæ generalis diuifio	14
Durgeani & Durgoew		Gallia Cisalpina quæ, 14. &	
29.32		eius diuifio	96
E		Gallia Transalpina, & eius	
Eburones	49	diuifio	14.15
Eremus Heluetiorum	72	Galliæ quatuor partium li-	
Elauer fluius in Aruernis		mites	15
85		Gallorum lingua, quæ uera	
Effui	66	antiqua	15
Estiones Rheti	42.53	Gallicæ antiquæ linguae ue-	
F		stigia in Francica	16
Feldtkirch	53	Gallicæ linguae uocabula a-	
Forum Tiberij	23.55	pud autores	18
Francorū hodierna, duarum		Gallicæ linguae propria no-	
linguarū fragmentū est	19	mina ut à Casare corru-	
Francorum lingua Romana		pta	21
est	15	Gallorum linguae quomodo	
Friburgum Helueticum	22	differant	17
23.30		Gannodurum	23
		Ganza	

# I N D E X.

Ganza	19	Helueticarum ciuitatũ quæ	
Garoceli	27	antiqua nomina	ibid.
Gebenna mons	25.84	Heluetij hodie uerè Celticè	
Genabum	25.82	loquuntur	16.17
Geneua, Genua, Genabum,		Heraclea Senticæ	115
et Gebenna ut differant		Hercinia sylua 71. ac dein-	
25		ceps ad longum	
Gergobia opp. Aruernorũ		Herciniæ syluæ lōgitudo la-	
82		titudoq;	79
Gergobina opp. Boiorũ	82	Herodoti opinio de fontibus	
Germanorum lingua nō ha-		Danubij discussa	77
bet V. natura longum	28	Hissa insula	111
Germanica et Gallica lin-		I	
guæ ubi mixtæ	17	Iaspar Alphæus Syluanus	
Germani unde dicti	ibid.	17	
Glastum herba	65	Iccius portus	64
H		Ilerda	103
Hartzwald à resina, id est,		Ilua	ibidem
hartz, nomen habet	72	Isela nouum, non uetus Rhe-	
Hartz, hertz, hortz diffē-		ni ostium	59
runt	75	Itinera ex Heluctijs in Cel-	
Harudes et Charudes	34	tas	25
Hedui descripti	27	Iura mons, et eius tract.	20
Heluij	84	K	
Helueteri	92	Keiserstuol opp.	55
Heluetiorũ limites à Cæsa-		L	
re descripti laudantur	19	Lacetani	105
Heluetiorum terræ longitu-		Lacobrigi qui hodie sint	24
do latitudoq;	20	Lambertus Paschalis lau-	
Heluetiorum Democratia in		datur	80
x i i i. ciuitates hodie	22	Lauffenberg	23.56
		a 5	Lem

# I N D E X.

Lemouices	83	Martiana sylua corrupte	
Lepontiorum septem flumi		dicatur	72
na in quatuor mundi pla		Mazacis & Tragula	31
gas	61	Mediomatrices	61
Lepontiorum uicini	ibid.	Meldæ	64
Lepontij summas Alpes in		Melodunum	86
circum occupant	60	Mctiosedum	ibidem
Lepontiorū descriptio	ibi.	Metæ Metarum, Medioma-	
Leuaci, hodie Louanium	67	tricum opp.	62
Leuci	36	Molita cibaria apud Cæsa-	
Limagus alter Heluetiorum		rem quid	23
pagus	29	Mons S. Gotthardi	29
Lindauj insula	45	Mosa fluuius	49
Lingua hodie Itolorū, His-		N	
panorum, & Francorum		Nantuates & de his dubita	
Romana corrupta	75	tio	61
Lingones qui	32	Nemetes	37
Lintzgoewer, olim Vinde-		Nicolaus winman commen	
lici	54	datur	30
Litauicus Lutwig.	81	Nitiobriges	83
Locus Cæsaris de epistola		Noricum natio	24
Græca ad Q. Ciceronem		Nouiodunum triplex	84
missa	68	O	
Lucani locus	50	Ocelum oppidum	27
Luceria Heluetiorum urbs		Orba oppidum	23.32
22		Orgentorix, Erentrich	21
Lyssus	113	Osca oppidum	105
M		Oscela Lepontinorum oppi	
Malacia	44	dum	27.61
Marcomanni	37	P	
Marga, id est, medulla	19	Padus à picea, pacch.	18
		Pagi	

# I N D E X.

Pagi significatio	48	Rbeni circuitus in formam	
Pagi 4. Helueticorum	28	tubæ ductilis	55
Parisijs & eorum urbs Lute		Rbeni ostia quæ, & de eis	
tia	71	uaria autorum iudicia	58
Pirustæ Illyrici	64	Rhinsfelden Rauracorum op-	
Pfluogradt, aratrum rotulis		pidum	23.57
instructum	18	Romani Gallorum & eorum	
Phalange	108	linguæ hostes	75
Pilum Romanum	31	Romani quare suam linguam	
Pila muralia quæ	67	non plantarint ad Rhe-	
Pile	108	num	16
Plinius linguæ Gallicæ ama-		Rhucantij Rheti	53
tor	75	Rbuteni	36
Pompeiani duces	117	Rinow locus insignis	55
Portorium quid & porti-		Rugusci Rheti	53
tor	31	S	
Prætoriana cohors	36	Sagulum	67
Primus Centurio	67	Salassij medijs inter Centro-	
Principilus	ibidem	nes ac Lepontinos	27
Prouincia quid	19	Salodorum	22.23.30
Ptolemæi locus	63	Samarobrina	66
Q		Sana flumen	30
Quincuncialis ordo quis	88	Santones	26
R		Sarunetes	53
Rauracorum sedes uera, &		Scaphusia oppidum	22.
urbes	23.56	30.54	
Remulco	108	Sebusiani, Segusiani, Sedu-	
Renuntiari publicè quid	85	sij	27.38.56
Rhenus fluius, & eius de-		Seduni	41.42
scriptio	50	Segni qui hodie	80
Rbeni fontes duo	52	Senones Galli	69
		Scr	

# I N D E X.

Serniphius flumē apud Cla-		Tigurini	26
ronenses	29	Tosa fluius	27.60
Sequani qua parte Rhenum		Transra	43
attingant	57	Treueri	35
Sequanorum terræ longitu		Tribocchi	37
do latitudoq;	25	Trinobantes ac alij ex Gal	
Sequani opp. Rauracorum		lia in Britannia populi	
23.56		66	
Sicambri Germani	62	Tugium	22.33
Sicoris	104	Tulingi qui hodie sint	24
Sontiates	44	Turoni	82
Stœchados insulæ	104	V	
Stuelingenn	24	Vualzthuot	23.30.56
Substructio	108	Vangiones	37
Sueui apud Ptolemæum tri-		Varus	106
plices, Langobardi, An-		Vatuca corruptè legi pro	
geli, Senones	48	Ratuca	80
Sueui	35	Vbij populi	38
Suitzia	22	Vestones	103
Summæ Alpes	42	Vellaunodunum	84
Syluæ quatuor ciuitates	29	Veneti 40. & aliæ ciuitates	
Syluania	22	Armoricæ,	
T		Venetus lacus	54
Tabulæ castrenses	33	Veragri	41
Tarusates	44	Vuerdenberg.	53
Tenchtheri	46	Verbigenus pagus Helue-	
Tergestum Colonia	97	tiorum	32
Teutones	34	Vergobretus, Fergobrest	21
Tigurum ad Limagū Hel-		Vibo	115
uetiorū urbs celebris	22.	Vindonissa	22.56
28.29		Vindelicia, nunc, Lintz-	
		80	



gocwer	34	Vria	22.29.32
Vitodurum	23	Vrna duorum uicorum no-	
Vocates	44	men apud Claronēses	29
Vocontij	27	Vrfa , bodie Rusa fluius	
Vogesus, uel Vosagus mons		ibidem	
30		Vsipetes	46
Volcæ duplices	78	Zurzachium emporiū Hel-	
Vr, uulgo, D'ur	28	uetiorum	23.55

F I N I S.

## I N C. CAESA

RIS COMMENTARIORVM

de bello Gallico libros Henrici Glareani  
Heluctij annotationes.

I N L I B R V M I.



COMMENTARII sunt libri,  
in quibus tantum capita rerum posi-  
ta sunt, ita ut uideamur in ijs ad exe-  
quendā historiam alijs subiecisse ma-  
teriā. Quā male uerò Caesar alijs  
materiam exequendæ historiæ subie-  
cerit, planè A. Hircius conqueritur  
præfatione illa quæ est in octauum librum derelictorum  
de bello Gallico. ait enim: Adeoq; probantur omnium iu-  
dicio, ut præcepta, non præbita facultas scriptoribus ui-  
deatur. Porro cum Linius sit copiosissimus, Sallustius bre-  
uissi

nostra Gallia, ut testantur ubique Classici scriptores, nominatim Liuius lib. v. ab Vrbe cond. & Strabo lib. i i i i. Liuius enim hos commemorat, Bituriges, Arucnos, Sequanos, Heduos, Ambarros, Carnutes, Aulercos, Cenomannos, Salluuios, Boios, Lingones, ac Senones. Strabo uerò Venetos, Boios ac eosdem Senones. Alij item alios. Huius Gallie Prætor fuit Cæsar ut citerioris prouinciæ. De ea pauca hic. Altera Gallia Transalpina, Bracata alio nomine & Comata, est, cuius partem Romani quoq; habebant, & in Prætura Cæsaris erat. Eius Cæsar hic tres indicat partes, Aquitanicam, Belgicam, ac Celticam, quæ haud dubiè fuit antiqua Gallie diuisio. Nam posteriores omnes Geographi quatuor eius fecerunt regiones, Narbonensem, Aquitanicam, Lugdunensem, & Belgicam. Strabo lib. i i i i. ait Celticam Augustum diuississe in Lugdunensem, & Narbonensem, adiectis ad Aquitaniam populis, qui inter Garumnam & Ligerim amnes antea Celtarum erant. Quod Ptolemæus, Plinius, Pomp. Mela, ac alij imitati sunt. Non igitur cum Ptolemæo pugnat Cæsar, sed tēporum ratio utrinq; habita est. Porro Celtarum nomē tam latè patebat, ut non modo Galliam omnem, sed uniuersum Occidentem occupasse affirmet Strabo, à quibus Celtiberi Hispani, & Galatæ populi ad pontum Euxinum, ad quos Diuus Paulus scripsit, originem referunt.

Hi omnes lingua, institutis.

Lingua Gallorum multis de causis creditur ea esse, qua hodie Rhenus utitur, maximeq; Heluetij, & Sequani Rhenani. Primum enim constat C. Cæsarem bello Gallico per interpretem locutum cum Gallis. Deinde eam quidem linguam, qua hodie Francia utitur, Romanam esse,

esse, quanquàm corruptam, nemini est dubium, quippe adhuc de prisca lingua Gallica innumeras retinentem dictiones. Non igitur Francia lingua olim Galli locuti sunt, sed alia. Verisimilimum autem est ea locutos lingua, qua adhuc ij Galli utuntur, qui Francicè non loquuntur, ut omnes populi citra Rhenum, proximi tamen Rheno, Heluctij, Raunaci, Sequani, Elsatij, Tribocci, Vangiones, & ferè tota Belgica. Nec mirum hoc uideri potest ei, qui consyderat populum Romanum suos exercitus frequenter in Gallia habuisse, atque adeò in Gallia fecundiore parte, diutiusq; pressam (quàm nunc Franci inhabitant Gallie partem) scruitute Romanorum. Rhenus quippe & Germania citius à Romanis, quàm Gallia alia descenderunt. Ideoq; factum est, ut Romani non potuerint suam in Germania, ac Regionibus Rheni ita celebrem facere, ac uelut propagare linguam, ut in reliqua Gallia, Hispania, & Italia fecerunt. Neque nihil ad rem facit quod Prætores Romani, ius non dabant, nisi sua lingua, & miles Romanus agrè cum plebe, alia quàm sua lingua, loquebatur. Itaque coacta est misera plebs Romanam discere linguam, sed malè, sed mutilatè, sed ita, ut in ea ubique priscae linguae uestigia inuenias, Latinae uerò sonum in thematis audias, imò priscae accentus aliquot, uoculationem, pronuntiationem, præteritorum perfectorum per habui periphraseis: articulos item quos Latina lingua non habet. Denique plurima nominum themata, qualia sunt Ignis, Puluinar, Pastillus, Scamnum, Cancer, Caper, Campana, Mamilla, Vexillum, Calcar, Diues, Thorax, Manipulus. Et uerborum, ut dimitto, frico, occido. Sed planè ineptus uidear, si ea omnia persequi uelim, quæ instum requirerent uolumen. Cùm ante  
 annos

annos aliquot Lutetiae degerem, erat in sodalitis nostro Iaspar Alphæus Sylvanus, egregij iudicij, ac eruditionis non proleptæ uir, qui in chartula propemodum ducenta uocabula ab se notata mihi monstrabat, priscae nostrae linguae, quæ Parisienses etiamnum hodie in mutila ista lingua habent. Vnde satis liquet Heluctiorum linguam ac Rheni uerè Gallicam, nisi quantum Germani quædam miscuerunt, maximè infra Argentinam. Spiræ enim, Vormatiæ, Moguntiae, ac in circumiacentibus ea Rheni parte populis mixtus est sermo ex Germanica ac Celtica linguis: neque enim purè Germanice, neque purè Celticè loquuntur. Heluctij autem, Rauraci, Sequani Rheno proximi, Brisgoenses, ac Elsatici magna ex parte mere Celticè loquuntur. Non mirum igitur quòd scriptum reliquerit diuus Hieronymus, Galatas, ad quos scripsit diuus Paulus, qui quæ à Celtis descenderunt, ut autor est Liuius libro

V I I I. quartæ Decados, eadem locutos suo tempore lingua, qua Treuiri utebantur. Quis autem nescit Treuitorum linguam antiquam esse, nec multo à Germanorum lingua diuersam? Et si concedi oportet, quod Strabo ait lib. V I I. Germaniæ uocabulum Romanorum esse, quàm aliam causam fuisse credimus Romanis, quòd eos Germanos appellarint, quàm quòd uel lingua ex moribus magnam cum Gallis haberent communionem? Vel, quòd quidam non absurdè argumentantur, ab ipsa inter ipsos appellatione? fratres enim sese etiamnum hac tempestate in rebus serijs ac bellis uocant. Id Romani siue per se de Germanis rescuerint, siue à Gallis didicerint, parum constat, neque huius est negotij. Nos enim hic de Gallorum linguis tractamus, inter quas, ut Cæsar ait, differentia aliqua fuit, ut etiamnum hodie est. Nihil tamen

impedit quin communi appellatione eadem ac una nominetur, quanquam non usquequaque eadem, sed paululum uariata. Id quod in Græca quoque lingua accidit. Porro id non est paruum argumentum Heluetiorum linguam uerè esse Gallicam, quod Latini auctores multa Gallicæ lingue uocabula recensent, quæ etiamnum in Heluetiorum sunt lingua, quanquam à Romanis scriptoribus partim malè scripta, partim malè percepta, utpote quæ, quod barbaræ, non magnopere curarent, ac obiter duntaxat in operibus recenserent. Quæ tamen ipsa nobis argumento sunt, Gallicam linguam in aliqua apud eos fuisse existimatione. Itaque Cæsar Gallorum propria, & maximè Heluetiorum nomina mirè torsit, omiſſis sæpè ac mutatis literis aliquot, ut Latinae declinationi apta fierent, de quibus paulò post dicturi sumus. Idem Plinius fecit. Ea tamen uerba temporum iniuria adhuc magis deprauata apud eum leguntur, nemine de ea lingua ab mille annis curante. Ita libro *xviii. cap. xvi. Aratra rotulis instructa, Gallicum inuentum Pfluograt rectè nominauit. Vbi tamen codices Plummarat, alij Planarat habent. Quidam in Planetas, ut se prorsus ineptos ostenderent, mutarunt. Apud eundem lib. *iiii. cap. xvi. Bodincum Padum Gallica lingua à Liguribus dictum ait, quod significet fundo carentem: & Bodincomagum oppidum eodem tractu esse. Heluetiorum lingua uocat Bodenmangel. Padum item à Picea arbore, quam Galli ita uocèt, nominatum, Pacch uult dicere, quod adhuc manet in nostra lingua. Ita apud Suetonium in Galba, præpinguis Gallicè Galb intelligitur: sed uitulus potius. Nam ita præpinguem ac obesum hominem per iocum uitulum uocamus. Et Beco Rostrum apud eundem in Vitellio adhuc habèt Belgæ nostra etate in sua lingua. Hel-*  
uctij*

uetij uerbum inde Becclem, id est, rostro ferire. Multa his similia enumerat D. Aegidius Tschudus V. C. apud Heluetios, mihi non affinitate tantū iunctus, sed eodem etiam studiorum amore, in libro de Rhetica antiquitate, et tractu Alpinarum gentium. Vbi Strabonis, Plinij, Liuij, aliorumq; classicorum scriptorum locos plurimos dignissime tractat. quem in his annotationibus saepe in testimonium adducimus, neq; id immerito: uisa enim tractat, et summo iudicio librata, maximoq; labore inuenta, quae ab mille annis neminē tractasse nouimus. Accedit huc, quod Plinius ait Gallos medullam Margam uocare, et Germanos anserem Ganzam, quae duo uocabula adhuc manent in utraq; lingua. Francorū autem hodierna lingua ex duabus linguis est, ex prisca Celtica, et Romana. In qua Romana tamen, quod ad themata attinet, dominatur.

Propterea, quod à cultu atque humanitate Prouinciæ, &c.

Festus ait prouincias dictas, quod populus Rom. eas prouicerit, id est, ante uicerit. Alij à porro uincendo dictas uolunt. Ceterum ex regno fit prouincia, cum è regia manu in potestatem alicuius populi deuenit. Verum hoc loco ea est Narbonensis Galliae portio, quae mari Ligustico, Alpibus, et magna ex parte Rhodano concluditur.

Quae ad effoeminandos animos pertinent, &c.

Mercēs intelligit, et rerum omnium, quae ad luxum faciunt, copiam: maximè uerò, sicut ipse postea, ubi de Neruijs, Caesar fate tur, uinum: hodie etiam aromata, et species, ut uocant, ad idem pertinent.

Id hoc facilius eis persuasit, &c.

Non poterat Caesar luculentius, ueriusq; describere

Heluetiorum regionem, quam tribus hisce liminibus, Rheno, Rhodano, & Iura monte. Ut merito pudeat quosdam sui erroris, qui ausi fuerint Elsatiam, dicere Heluetiam: qua in re etiam Aeneas Syluius aberrat. Quòd autem undique Heluetiorum natio sit tuta, ut Caesar existimat, hoc quidem uerum à duabus partibus ad Meridiem & Occasum. Ceterum aduersus Germanos atque Rhetos, hoc est, ad Ortum & Septentrionem, non ita uerum est: neque enim Rhenus tantus limes est, ut tutam defensionem præbeat, quando supra lacum Constantiensem plerisque in locis uado transitur.

Altera ex parte monte  
Iura altissimo.

Mons Iura hodie multa habet nomina. Incipit autem infra Brugas oppidulum ad Arolam flumen in Heluetijs, ubi Boetzberg dicitur. Deinde recta ad Occasum secundum Arolam ad Salodorum progreditur, ibi Hodiè Hôwenstein dicitur. Deinde ad Bipennes oppidum ad Neacrin, uulgò nouum castrum. Deinde inter Occasum & Meridiem deflectit Genèuam usque, ac ultro etiam in Sebusianos, hodie Bellicenses. Ceterum in dicto iam tractu pluribus locis transitur.

Qui in longitudinem.

Est autem longitudo Heluetiæ à Genèua Constantiam usq; iter sex dierum plus minus, si x l. millia in unius dici iter conferemus. Latitudo autè ab Iura monte ad montem usque Gothardi, iter trium dierum, quem Caesar aliquantò maiorem facit. Sed ea auditu habet, non uisu.

In eo itinere persuadet  
Castigo.

Non est dubium omnia nomina Gallica, quæ hic Caesar in

ſar in x, terminat, apud Heluetios in χ literam Græcam ſcripta fuiſſe. Vtebantur enim literis Græcis, quibus linguam ſuam Gallicam, non autem Græcam ſcribebant. Et poteſt etiamnum lingua Heluetiorum optimè Græcis ſcribi literis, quòd multi ſepè fecerunt. Itaque cùm lingua Latina nullum nomen in ch habet, & omnino Cæſari ea nomina in formam Latinam reducenda erant, aliquando deſlexit ad x literam proximam figura ad χ, ut tertiæ declinationi apta fierent, aliquando ad c, uel g, ut in ſecundam declinationem uenirent. Inuenerat ea in Heluetiorum tabulis Græcis exarata literis, ubi χ litera, Latine x, non eſt abſimilis. Quòd Chriſtianus uſus obtinuit in χεῖρος. Itaque ex ἡρωῖς χ ſecit Orgentorix, ex Κάτεις χ Caſtigus, omiſſa r, litera, ut nos nunc ex Φέδεις χ ſecimus Fœdericus. Rurſus ex Φερζώβριος χ ſecit Caſar Vergobretum, abiecta σ, ad ς. Ex ἀμεις χ Ambiorix. Ex Καλταῖελ χ Catamanteles. Ex δύνεις χ Dumnorix. Ex Λύτις χ Litauium. Deniq; ex Germanico Ernſt Erneſtum: Quòd nomen poſtea corruptum eſt in Arioniſtum, ac rurſus deinde in Ariouiſtum. Nec hoc mirum uideri poteſt, cùm Græci ſubtiliſſimi homines, Hebraica & Barbara ad eundem modum corruerint, ſi Romani Gallorum quoq; linguam malè tractarint: id quod ſemel nos admonuiſſe ſat fuerit. In Plinio quoque idem accidit, ut de Bodomancis & Planaratis, pro Bodenmangel & Pſuogradt, paulò antè diximus.

#### Die conſtituta cauſæ.

Cauſam dicere eſt, quòd Græci tum νεῖρεας, tum ζουῦεας dicunt, hoc eſt, iudicium ſubire, & culpas fraudesq; iudiciorum ſuorum actorumq; præſtare. docuit hoc Budæus.

b 3 Oppida





Oppida sua omnia numero  
ad duodecim.

Hic locus satis probat per pagum non oportere intelligere uicum, ut quidam incrudite exposuerunt, & ex sequentibus latius patet. Caterum cum hodie tota Heluetiorum Democratia siue regio in x l l l. ciuitates sit diuisa (Vulgus Angulos uocat, Franci Cantones) quarum nomina, ut publice in concilijs sedent, hec sunt, Tigurum, Berna, Luceria, Vria, Suizia, Syluania, Tugium, Clarona, Basilea, Friburgum, Salodorum, Schafhusia ac Abbatiszella, undecim tamen duntaxat intra ueros regionis Heluetiae limites concluduntur. Basilea enim non in Heluetijs, sed in Sequanis iacet, Schafhusia in Germania. Porro ex his x l l l. Vria, Suizia, Syluania, Clarona ac Abbatiszella, non sunt oppida, sed uicorum conuentus, æquata omnium libertate, & ab his, maxime Vris, Suizis, ac Syluanis, Heluetiorum nostra ætate libertas est orta. Ipsi tamen multis oppidis ac arcibus imperant, contrario atque in alijs regionibus, more. Rursus ex his x l l l. quinque nostra ætate, cum totus Rhenus ferè, ac uniuersa Germania schismatis plena esset, inconcussam maiorum suorum religionem seruauerunt, ac armis fortiter, nec sine sanguine, nec sine Dei Optimi Maximi auxilio defenderunt. Qui mihi in hoc qualicunque commentario digni uisi sunt, ut honoris causa nominentur. Fuere igitur, LUCERIA, VRIA, SVIZIA, SYLVANIA, TVGIVM. Sed omnino apud autores loca uetusta in Heluetijs sunt Auenticum, nunc paruum oppidulum prope Friburgum, ubi multe antiquitates adhuc uisuntur. Vindomissa supra confluentem Vrsæ ac Arolæ, Ciuitas equestris,

stris, Gannodurum, nunc Constantia, Vitodurum, nunc Winterthur. Forum Tiberij, quod multi Zurzachium existimant, quidam Caesaris sedem, oppidum Episcopi Constantiensis, utrumque enim peruetustum creditur. Multis præterea indicijs, quæ Commentarij huius angustia et solita nostra breuitas enarrare non permittit, uetusta creduntur loca, Tigurum, Luceria, Tugium, Salodorum, Aquæ, Orba. Coniecta etiam Zouingen et Berona. Berna autem et Friburgum noua sunt oppida intra quadringentos annos edificata.

#### Molita cibaria.

Participium à molo, is, ire, in Supino molitum. unde participium molitus, a, um. atque etiam is modus etiamnum Heluetijs manet. Farina enim ex auena densa, butyro ac sale condita in magno aheno super ignem cocta, in uasis ponitur, ac cum reliquo commeatu in bellum ducitur, nec ad pulmentarium coquendum quicquam additur, quam aqua calfacta esuribundis militibus dulce condimentum.

#### Persuadent Rauracis.

Rauracos supra Basileam habuisse sedes, atque Augustam urbem maximam, cuius etiam hodie uestigia sunt, pertigisseque eorum imperium rectè secundum Rhenum, usque ad Confluentem Rheni ac Arolæ, Ditionis hodie Helveticæ, satis consonum ueritati est. Quatuor igitur Rheni oppida supra Basileam. i. Waltzhuot, id est, syluæ custodia. ii. Lauffenberg à minore Rheni Cataracte nomen habens. iii. Seckingen à Sequanis dictum. iiii. Rinsfelden elegans oppidum, et quidquid ditionis circum ea est, Iuram usque, totum olim Rauracorum imperio suberat. Quidam aiunt Sequanos et Rauracos separatos flumine Byrsa, quod paululum supra Basileam Rhenum influit.

## Et Tulingis, &amp; Lacobrigis.

Tulingos & Lacobrigos, qui Lotharingæ partem partant, prorsus falluntur. Sed & qui Tigurinos aut Lausannenses, magis decipiuntur. Qui uerò Germanos fuisse existimant supra Rauracos, Heluetijs ad Septentrionem, hi demum rectè iudicant. Hodie nomen retinent Germanicum Stuelingenn, quòd nomen Caesar, ut cætera, ob Latinam inflectionem corripit. Admonuit nos eius rei D. Aegidius Tschudus. Adiuuant hanc opinionem, quòd postea uicti Heluetij & Tulingi & Lacobrigi iussi sunt redire in suos fines, unde profecti erant. Lacobrigi autem legendum per c. Hodie, daß Claecky adiecta c littera, consuetudine Celticæ linguae, ante l.

## Boiosq̃.

De Bois non parum admirationis præbet id Lectori, quòd tam uarias apud autores dicantur habuisse sedes, ut non facîle expedias, qui hodie uerè sint dicendi Boij. Primum certè uidentur Germani esse, deinde ex Germania olim in Noricum transcendisse, Danubij loca occupasse, Italian quoq; petiisse, atque aliquot seculis ante Cæsarem circa Padum consedisse, ut Liuius libro v. ab Vrbe condita testatur, & libro primo de secundo bello Punico. Denique multis locis quartæ Decadis, quemadmodum in quintum ab Vrbe condita lib. in annotationibus nostris in Liuium diximus. Multi eximij uiri Bohemos antiquam sedē Boiorum crediderunt, & Bauaros ab illis descendisse: similiter in Francia Borbonios.

## Et in agrum Noricum.

Legendum putò, & in agrum Noricum transierant, Noricumq; oppugnarant, ut priore loco sit adiectiuum, posteriore substantiuum. Nam Noricum natio est inter Panno

Pannonēs & Vindelicos ad Danubium sita.

Erant omnino itinera duo.

Cæsar cū duo itinera describeret, ea tantum existimauit, quæ proxima ipsius prouinciæ erant, & cōmoda Heluctijs in Santones proficiscentibus: alioqui multa præterea ex Heluctijs erant itinera in Celtas, maxime in Rauracos & Sequanos. Atqui uel ex hoc loco sanè constat Cæsari Heluetiorum regionē ex relatione tantum notam fuisse, ceterū nō uisam. Notandum hoc item loco Sequanorum longitudinem esse ab Rheno usq; ad Rhodanum, latitudinem uerò ab Iura ad Lingonas.

Rhodanus fluit.

Nota terminos inter Heluetios & Allobrogas. Ex quibus colligitur, Heluetiorum olim fuisse quicquid intra Friburgum nobile Heluetiorum oppidum, & Genēuam terræ interiacet.

Proximumq; Heluetiorum finibus Genēua.

Quatuor hæc nomina Genēua, Genēua, Genabum, & Gebenna, multum obscuritatis Lectori ingerunt, ac nō attentū sepe sefellerrunt, quæ ipsa longè diuersa sunt. Genēua enim Ligurum caput in Italia ad mare est nostrum: Genēua uerò Allobrogum ad hostia Lemanni lacus, ubi Rhodanus exit: Genabum Carnutum oppidum ad Ligerim amnem, hodie, ut quidam putant, Aurelia: Deniq; Gebenna mons qui Heluos ab Aruernis separat, ut lib. v i i. postea dicet Cæsar. Ceterū ab annis, ut puto, octingentis literarum ac soni similitudine Genēua ab indocto tunc seculo Gebennæ nomen inuenit pluratiuo numero. Vnde Generosi domini Baronibus à Gebennis nomē manet. Quidam ita etiam Aurelium ineptè Gebennam nominarunt,

b s pro

pro Genabum : & Gebennense studium pro Genabense. Ineptiores autem hi, qui Genuam Ligurum caput Ianuam nominari putant, quasi Italiae, & maxime Liguriae ianua, quia maris portus esset : & fortassis, ut ab alijs eo distinctius nomen esset.

L. Pisone, Aulo Gabinio.

Hic annus est ab urbe condita DCXCVI. Atque primus annus huius belli Gallici, quo Galliae utriusque Citerioris ac Vltioris Praetor est factus Caesar. Ante Christi natale LV.

L. Cassium Cos. occisum.

Vide Florum in Epitome lib. LXV. Nam Tigurini illi fuerunt ex Heluctijs. Ceterum Cassius Consul fuit, anno ab urbe condita DCXLVII.

Qui in flumen Rhodanum.

Fortassis legendum est, quem flumen Rhodanum influit. Quanquam lib. VII. de palude in Sequanam, similis habetur locutio. Lector ipse dispiciat. Porro hoc quoque considerandum, an non idem sit, à lacu Lemanno ad montem Iuram, quod hoc loco ait : & à Iura ad flumē Rhodanum, quod antè dixerat : cum tamen duo diuersa itinera describere uelit, certè ego me hic non explico.

Cæsari renuntiatur.

Ptolemæus Santones inter Garumnā & Ligerim amnes ad mare occidentum constituit. Sanè autem suspectum est in tam longinquam regionem proficisci conatos Heluctios. Quanquā cum alia in hac historia Heluctiorum acta audacia specimen habeant, hoc quoque sic intelligi potest.

Ibi Centrones, & Garoceli.

Centrones & Caturiges in Graijs Alpibus Ptolemæus nō longe à Lepontinis ponit. Oculum autem oppidum est  
ad

ad Duriam minorem amnem, longè ab Oscela, quòd Lep-  
 pōtiorum oppidum Ptolemæus tradit, hodieq; in ea ualle,  
 quam flumen Tosa à summis Alpibus ut Ticinus ortum,  
 perluit, infima parte iacens, ab Dominico ibi, hoc est, Ca-  
 nonicorum collegio hodie nomen Dum doscela habens,  
 & Vallis de oscela, quod nos fecimus Eschentall. In Pto-  
 lemæo igitur id erroris est, quòd Centrones uicinos facit  
 Lepontijs. Cùm hoc certum constet inter Centrones ac Le-  
 pontios interiacere medios Salasios: qui Salasij Augu-  
 stam Prætoriam, celebrem apud Scriptores urbem, inha-  
 bitabant, & ipsa urbs hodie nomen habet, & uallis ab ea  
 Augstal. Garocclorum non meminit Ptolemæus: sunt au-  
 tem populi Alpini propè Centrones. Vocontij uerò inter  
 Isaram & Rhodanum Allobrogibus ad Orientem uicini  
 ab eodem describuntur, quæ cum descriptione Cæsaris  
 optimè conueniunt.

#### In Sebusianos.

Sebusiani inter Rhodanum & Ararim sunt, hodie Bel-  
 licenses, ut rectè Marlianus descripsit, à quibus hodie Sa-  
 baudie nomen manet: nec enim alia apud autores ueteres  
 origo eius nominis inuenitur. Ptolemæus Sebusianorum  
 meminit in Lugdunensi Gallia, sed nimis occidentales fa-  
 cit. Sunt etiam Segusiani, siue Sebusiani in Graijs Alpibus  
 apud Ptolemæum, si nomina non sunt corrupta. Sedusij  
 uerò Germaniæ populus est.

Eorumq; agros depopulabantur.

Et hoc suspectum uideri potest, cùm Dumnorix He-  
 duus esset, & apud eos potens, qui Heluctios iuuerat per  
 Sequanos.

#### In Heduiorum.

Hedui inter Dubidem & Ararim possessionem ha-  
 buer

buerunt, ait Strabo libro 1111. Ciuitas erat potentissima in Gallia, & Romanis semper amica, hodie Autum nominant.

Item Allobroges, qui trans Rhodanum uicos.

Non est hoc aduersum illi, quod paulò antè dixit, Rhodanum inter Allobrogas ac Heluetios limitē esse: hic enim de Allobrogum terra loquitur, quæ in Heduos: tēdebatur inter Occidentem ac Septentrionem, non quæ Heluetios contingit inter Septentrionem ac Ortum.

Flumen est Arar.

Arar est fluuius Celtarū, de quo rectè Marlianus. Hoc autem admonēdus est Lector, illum non ex Alpibus oriri, nec primo quidem cursu, quòd tamen tradidit Ptolemæus, ad Septentrionem, sed ad Meridiem labi, nec cum Rhodano linea parallela incedere. Deniq; nec eum esse Arolam, qui per Heluetios lapsus, hodie Ar, uulgo dicitur.

Hic pagus unus.

Græci πᾶσις fontem dicunt, ἢ ἀπερχὸς πᾶσις. inde Latinis dictus pagus, cuiusq; fluuij tractus, & utrinq; secundum flumen habitationes. Tales porrò nauigabiles etiamnum hodie sunt intra Iuram, Rhodanum & Rhenum, ueros Heluetiæ terræ limites, prorsus in Heluetijs Vr, flu. quatuor, Vr, Limagus, Vrfa, & Arola. Vr genere fœminino, opinione quorundam non temere coniectantium, Celtice dicitur Die Vr. postea facta elisione diphthongi Celticæ ie, D'ur, quemadmodum Arolam Die Ar, & elisa diphthongo ie, de articulo die, D'ar. Item Die Etsch, D'etsch. Vr autem productè dicitur, quàm longam literam cum Germanica lingua non habeat, sicut nec Græca, Dur uerterunt in Daur. Vnde Romani, qui nobis omnia antiq



antiqua corruerunt nomina, Taurum uocarunt. At Heluetiorum lingua Dur pronuntiat, & regionem adiacentem Durgenw. Fluius in immensum crescere solet, torrentis in morem, sed nauibus non admodum aptus. Limagus apud Claronenses oritur, ac in media ipsorum regione Serniphium alterum ex altera ualle delapsum amnem accipit. Deinde infra Vrnas (duorum uicorum nomen est) supra Latericium pontem (ita uocant) ex Lacu Vescinio accepta aqua, Marcham (qui fuit olim Heluetiorum in Rhætos finis, & Heluetij ita terminum uocant) ac Castra Rhætorum (& huic loco etiamnum nomen manet Gaftra) determinat. Hinc Lacum Tigurinum ingressus, ad hostia eius Tigurum amplissimam Heluetiorum urbem diuidit, mox Aquas, memorabilem in Heluetijs locum, propter calidas illic aquas, Græci Thermas uocant, delabitur. Harum aquarum situm non omnino absurdè descripsit Poggius Florentinus, si Latine nominare potuisset. Deinde baud ita longè Vrsæ ac Arolæ miscetur. Vrsæ sanè, quem fluuium transpositis duabus prioribus literis uulgò Rusam uocant, in summis Alpibus, quibus hodie Sancti Gotthardi nomen est, oritur, ac rectè ad Septentrionem labitur, cum contrà Ticinus ex eodem iugo per Lepontios in Meridiem. Vrsulam siue Vrsellam primum uallem Rheticam, deinde Vriam Tauriscorum, gentis Gallicæ reliquias, uenit, ubi Lacui miscetur, qui Vros, Suizos, Syluanos ac Lucerinos, quatuor Syluæ ciuitates (nam ita appellant hodie) alluit. Porro deinde Tuginis amnibus susceptis Bremgarten ac Mellingen (oppida sunt Ditionis Helueticæ) lapsus infra Brugas Arolæ commiscetur. Denique Arola ipse ex iisdem summis Alpibus ortus in Septentrionem uersus, paulò plus tamen

Vrsæ fl.

Arola fl.

quàm



Salodorum  
opp.

quàm Vrſa ad occaſum primum inclinās: per lacum Thu-  
nenſem Bernam lapſus, & ipſam ampliſſimam Heluetio-  
rum urbem ambit: dein paulò infra Bernam alterum acci-  
pit flumen Sanam è ualle eiufdem nominis altiſſimis ſe-  
ptam montibus, ac Nicolai winman docti noſtra etate ui-  
ri patriam delapſum, quòd Friburgum nobilem illam ur-  
bem ambit, ut Arola Bernam. Ibi in ortum ambo cōuerſa  
flumina ſub Arolæ nomine Salodorum perueniunt. Et hoc  
quoq; oppidum antiquiſſimum eſt non modo Heluetiæ, ſed  
uniuerſæ Celticæ. Deinde per terram nobiliſſimā ab ipſo  
Arola denominatam, receptis Vrſa ac Limago, Rhenum  
infra Clingnow (oppidum eſt epiſcopi Conſtantiensis) in-  
grediuntur. Conſluentis nomen adhuc loco manet, ſed non  
incorruptum, Coboleitz enim uocat Heluetiorum lingua:  
miſerrimus hodie eſt uiculus. Nomen à Romanis loco eſt  
inditum, cum ibi aduerſus Hercinios excubarent. Nec pro-  
cul inde abeſt Rauracorum oppidum Waltzhuot, quod no-  
men ſignificat ſyluæ cuſtodiam, Rauracorum ne aduerſus  
Romanos munimentum, an aduerſus Germanos, incer-  
tum. Ad Conſluentem igitur illum tria Heluetiorum flu-  
mina Limagus, Vrſa, ac Arola in Rhenum exonerantur.  
Vr autem paulò ſuperius, infra maiorem tamen Rheni ca-  
taracten, qui ſub Schaffhuſia eſt, Rhenum influit. Hæc  
igitur quatuor flumina, quatuor Heluetiorum pagi cre-  
duntur. Hunc locum haud ſcio an quiſquam ante me expli-  
cuerit, cum ego doctiſſimos meæ etatis homines ea de re  
ſepius interrogauerim: Sed quale inde reſponſum tulerim,  
non eſt opus hic referre.

Qui bello Caſſiano dux Hduetio-  
rum fuerat.

Nota bellum à uictis more Romanorum uocari.

Inter

Interim quotidie Cæsar.

Digressio est paruula ab historia Heluetiorum de do-  
lis Damnorigis principis Heduorum, qui cum Romanis  
militabat, sed Heluetijs fauebat.

Propter liberalitatem.

Videtur liberalitatem pro largitione accepisse: cum li-  
beralitas in bonam, largitio in malam accipitur partem.

Portoria.

Portorium est merces, quæ portitoribus datur, ait No-  
nius Marcellus. Portitor autem qui uestigal portus condu-  
xit, quod Portorium uocatur.

Quod Diuitiaci fratris summum.

Quid amicis debeamus, eximium fuerit hoc exemplum.

Et quotidianis interpretibus.

Vide hunc locum, ubi Cæsar per interpretes cum Gal-  
lis locutus est.

Et res per fugitiuos L. Aemilij

Decurionis.

Vide Laurentium Vallam lib. v. i. cap. xxxii. Quid  
Decurio.

Ita, uti supra se.

Sex legiones Cæsar habebat, sed cum quatuor duntaxat  
more Romanorum prælium commisit. Erat enim consula-  
ris exercitus 1111 legionum, autore Polybio.

Milites è loco superiori

pilis missis.

Pilum Romanum, hasta erat quinq; pedum, sed ferrum  
suis sesquipedem habebat. Totius itaque Pili longitudo  
erat sex pedum ac semis.

Mazaras ac tragulas.

Mazacis apud Hesichium est hasta Persica, genus te-  
li, cui

li, cuius formam non exprimunt autores. Tragula uerò, ut ait Festus Pomp. genus teli, dicta, quòd scuto infixâ trahatur.

#### In fines Lingonum.

Apud Lingones, ait Cæsar libro 1111. oritur Mosa fluuius, unde nō est difficile coniecturare de eis: sunt enim noti.

#### Verbigenus.

Per pagum fluminis tractum, & secundum eum hominum habitationes intelligi, superius declaratum est. Atqui tractibus hisce (ut ita loquamur) non sunt eadem quæ fluminibus nomina, cum Limagi accolæ Tigurini dicantur. Et hic Verbigenus pagus nullius fluminis nomen est, sed tractus haud dubiè, at cuius nam fluuij inter treis reliquos, id demum difficultatem nobis ingerit. Codices uetustiores non Verbigenus, sed Vrbigenus habebant. Unde duæ coniecturæ diuersæ doctioribus ortæ sunt. Alteri putant ad Arolam habitationem Vrbigenum pagum dici ab Orba, hodie adhuc peruetusto oppidulo Ditionis Bernatium ac Friburgesium, ad quem sanè ut proximum domicilium, sex hominum milia eius pagi contenderint, cum Cæsar existimarit eos ad Germaniam tendere. Alteri per Vrbigenum pagum, Durgam hodie dictam terram designari putant, ab Vr flumine, maxime quòd Germanorum Rheniq; hic fiat mentio, cui Rheno flumini Durgani sunt uicini. Lectori integrum sit iudicium. Reliquorum duorum pagorum siue tractuum nomina nusquam, quod sciam, inueniuntur, Itaque eum, qui ad Vrsam est, tractum cogitandum quo pacto appellemus. Tauriscumne, à Tauriscæ gentis reliquijs, qui hodie sint Vri? Atqui illi posterioribus seculis has sedes occupasse uid

Se uidentur, ut ab illis non potuerit tempore Caesaris esse denominatio. An potius Tuginum? cum Tuginorum Strabo & 4. & 7. libris magnifice meminerit, & locus Tuginum sanè uidetur antiquissimus. Eum autem qui ad Arolam est, quidam Iurassium, quidam Antuatiū nominādum censent: fortassis & Auenticensis nominari potuit.

Heluetios, Tulingos.

Mirum uerò quid cum Rauracis actum sit: nam horum hic non meminit. Valde suspicor incuria librarium omissum nomen, & eos quoque iussos redire in patriam, ut Heluetios, Tulingos, ac Lacobrigos, quibus erant uicini.

In castris Heluetiorum.

Tabulae hoc loco intelliguntur militares iudices, nempe in quibus duces militum nomina perscripta habent. Vulgus uocat Registra. Literis autē Graecis, nō lingua Graeca confectae erāt. Lingua enim Gallica, qua hodie Heluetij utuntur, non minus Graecis literis, quā Latinis scribi potest.

Repertus est numerus.

Numerus hostium à Caesare uictorum ita ponitur: primum enim cuiusque populi capita numerantur: deinde ex his omnibus qui arma ferre possent, adiiciuntur. Postremo summa ponitur omnium capitum, in qua summa sunt etiam ista nonaginta duo millia, eorum qui arma ferre potuerunt, comprehensa.

Totius ferè Galliae.

De Gallis, hoc est, Celtis toto hoc libro deinceps loquitur.

Horum primo circiter.

Aruernos Ptolemæus ad fontes Ligeris amnis ponit: hodie ea regio nomen tenet. Fuerunt enim Hedui à Sequa

c nis

nis Aruernisq; duobus locis clausi. Porro Sequani, cum ad Rhenum usq; extenderentur, perfacile habebant Germanos in auxiliū uocare. Quam belle uerò eiusmodi res illis efferit, sequentia Diuitiacy uerba declarant.

Sed peius.

Vide an eam partem terræ putet, quæ hodie adhuc nomen tenet Sunggeuw, & superior Elsatia: uicini enim sunt Rheno & Germanis.

Harudum.

Harudes qui sint ex Germanis, non satis certò constat, quidam eos ex Eremo Heluetiorum, quod caput Herminie syluæ quondam erat (nunc uulgo Schwartzwald nominatur) fuisse contendūt. Porro ea sylua transrhenana fuit, autore Ptolemæo. Adijcitq; Cor. Tacitus, eam quondam ad Moenum usq; annem, suo imperio tenuisse Heluetios. Ptolemæus autem Charudes in Cimbrica ponit Chersoneso, unde in militiam longinquam accersiti uidentur, ut frē Germanorum est militia.

Amagetobriæ.

Amagetobria, quod oppidum sit, ignoratur. Marlianus Magetobriam ponit, & Gallicè uocari ait Toaut. Quidam libri habent Admagetrobia.

Cimbri Teutoniq;

Cimbri populi in extremo angulo Germaniæ ad Septentrionem Chersonesum habent, hodie Daci, sed corruptè, uocantur. Nam Danos esse eos nominatos à rege Dano in chronicis eorū scriptū est. Regem habent proprium, cuius imperio parent Scandinauenses, Noruegia, pars Gothiæ, & multa præclaræ alioquin insulæ. Vide de Cimbris Strab. lib. 7. multis uerbis differentē. Teutones Ptolemæus non longè ab Albi fluuio inter Pharodinos & Sue-

uos ponit. Tacitus à Tuiscone rege nomen habere putat, & alludit uulgaris linguae denominatio. Vicus hodie est è regione urbis Agrippinae trans Rhenum, nomen eius regis obtinens, ut putant. Neq; Teutones & Germani iidem sunt, sicut neq; Alemanni & Germani.

Treuiri autem pagos.

Treuiri ad Mosellam fluuium ciuitatem habent, quam aiunt ab Abrahae filijs edificatam, hodie episcopatus est, ex septem Romani imperij unius electoris. Locus praeterea cum nomine multas antiquitates ostendit.

Pagos centum Sueuorum.

Sueuos Ptolemæus ad Albim fluuium ponit, qui tamen olim maximam partem Germaniae occuparunt, latissimeq; protendebantur. Quippe quorum erant centum pagi. Deinde mutatis sedibus ad caput Danubij, & Hercinae syluae confederunt, Rhetiaeq; non illius ueteris, sed Romanae prouinciæ inter Danubium ac Rhenum, aliquam partem adhuc hodie possidet. De his Caesar lib. quarto copiosissime: ubi & nos multa alia.

Vesontionem.

Vesontionem oppidum Sequanorum Ptolemæus nominat Visontium, & uulguè hodie Bisontium, fluuius qui oppidum propemodum circumdat, à Ptolemæo Dubis nominatur: Caesar Alduabin aut Alduasdubim (nam codices mirè uariant) appellat. Caterum qui fuerint Ernesti regis fines, nusquam nobis expressit Caesar. At ego puto eum ad Herciniam Brisgoiae terræ fuisse dominum, aut non longè ab ea.

Factum etiam nuper in Italia.

Videtur de Sparthaco loqui gladiatore: quanquam nihil certi affirmamus.

Ernestum cum multis.

Loquitur de pugna Amagetobriae facta: de qua paulò  
superius mentionem fecit.

Fru mentum Sequanos, Leucos,  
Lingonas subministrare.

Leuci populi sunt ad Mosellam, nec ita longe à fonti-  
bus eius. Hodie episcopalis urbs est eorum Tullium in Lo-  
thoringia: ut rectè annotauit Marlianus.

Sibiq; eam prætoriam cohör-  
tem futuram,

Prætoria cohors est dicta, quòd à prætore non disce-  
debat. Scipio enim Africanus primus fortissimum quen-  
que delegit, qui ab eo in bello non discederent, & cætero  
munere militiæ uacarent, & sexquiplez stipendium acci-  
perent. Festus Pomp.

Heduos Romanis auxi-  
lium tulisse.

Argutum argumentum est, qua Cæsarem uanitatis ar-  
guit. Quippe Hedui Romanis non fuere auxilio contra  
Allobrogas, nec contra Romani Heduis, cum aduersus  
Ernestum pugnarent.

Et Rutenos.

Rutenos Ptolemæus inter Aquitanos ponit, quanquàm  
ex uerbis Cæsaris Aruernis propinqui uidetur. Et quan-  
quàm Cæsar hic ait non redactos in prouinciam, tamen  
postea sæpe leguntur prouinciales. Quidam etiam dupli-  
ces faciunt Rutenos, Prouinciales, & non prouinciales.  
Ciuitas eorum hodie Rhodes dicitur. Cæterum Q. Fabius  
Maximus hic fuit Cos. cum L. Opimio, anno ab urbe con-  
dita DC. XXXIII. cum hic annus sit DC. XCVI. ab urbe  
condita. Meminit Florus in Epitome lib. LXI.

Omnes

## Omnes Alarios.

Alarij milites sunt non satis solidi ac firmi, ideoq; à lateribus adhibebantur, tanquam alæ. Vnde & nomen inuenerunt.

## Harudes.

Incerta distinctio est, incertaq; lectio. Nam si legas constituerunt, necesse est sequi nominatiuum: Sin constituerunt legas, accusatiuum: quanquam coniunctio, paribusq; intervallis, haud scio quàm aptè hæreat. Ideoq; locum corruptum opinor, nec facîle restitui posse, nisi uetusto aliquo exemplari adiuti fuerimus. Quidam suspicantur Harudes nominatiui esse casus (etenim illorum erat bellum) alios autem populos in accusatiuo construi ad uerbū circūdederunt, quod nescio quàm probem.

## Marcomannos.

Marcomannos Ptolemæus apud Gabritam Germaniæ sylvam ponit ultra Danubium, ac è regione Pannoniæ superioris. Satis constat eos esse Morauiensēs. Nam & Germanica uox alludit Marrhenlandt, à marcha, hoc est, termino.

*Gabrita Germania' sylva.*

## Tribores.

Triboccos Ptolemæus locat rectè à sub Rauracis ad Rhenum. Strabo libr. 4. Tribocchos uocat. idq; rectius. Nam à tribus sagis nomen habent, Tribuocchen. Plinius libro quarto, cap. 17. uocat Tribocos. & uerisimile est Brisacum designari. Nam & constans fama est oppidum illud in Gallia olim situm fuisse, quod nunc in Germania est, mutato Rheni aluico.

## Vangiones.

Vangiones Ptolemæus sub Triboccis, & Nemetes sub Vangionibus ponit. Quod si illic uerè legitur, non erunt



Nemetes Spirenses, neq; Vangiones Vormacienses. Spira quippe supra Vormatiam est. Sed in his neq; oportet in omnibus codici accedere Ptolemæi, qui in particularibus, ut ita dicam, locis sæpe exorbitat: neq; communibus litterarum coniecturis credere, qui sæpe prisca temere novis comparant.

#### Sedusios.

Sedusij non sunt Seduni, sed Germani, ut testatur Plinius libro 4. cap. 17. Et quamvis Tribocci, Vangiones, & Nemetes in Gallico littore sedes habeant, tamen aut origine, aut uicinitate, aut lingua Germani uideri poterant: Ideoq; Ernesti regis partes secuti. Andreas Althamer insignis nostra ætate antiquitatis indagator, Sedusios legendum putat.

#### Quos Vbii, qui proximi.

Vbii populi transrhenani, & apud Tacitum, & C. Cæsarem, hodie eorum creditur urbs Agrippina Colonia, quæ olim transrhenana fuisse dicitur, ut testantur illorum chronica. Cuius rei hodie multa sunt indicia. Quippe apud Diui Pãthaleonis ac undecim millium uirginum templa planè ueteris æluci uestigia uidentur. Sed postea Gallicæ terræ facta, Diuitense munimentum habuit, quod hodie Tuitium uocant.

#### Ad conuentus agendos.

Conuentus quatuor modis intelligitur. Vno, cum quemlibet hominem ab aliquo conuentum esse dicimus. Altero, cum significatur multitudo ex compluribus generibus hominum contracta in unum locum. Tertio, cum à magistratibus iudicij causa populus congregatur. Quarto, cum aliquem in locum frequentia hominum supplicationis aut gratulationis causa colligitur. Hæc Festus Pomp.

# IN C. IVLII CAESA

39

RIS COMMENTARIORVM

de bello Gallico librum I. Glareani

annotationes.



**I**N hoc secundo libro habentur quæ Cæsar bella gesserit in Belgis, tertia Gallia parte: ac primò de origine Belgarum differt. Deinde, ut cum uniuersis congressus sit ac ulcerit: postea in Nerviis egregia illa pugna describitur: Aduaticorum item expugnatio, & perditio. Deniq; ciuitatum Armoricarum, quæ hodie Britannia nomen obtinent, de ditio.

Cùm esset Cæsar.

Secundus annus belli Gallici Coss. P. Cor. Lentulo, & Q. Metello nepote, anno ab urbe condita DC. XCVII. Calecos X. millia.

In hac Belgarum descriptione ferme populorum nomina hodie constant uetere appellatione, quanquam corrupta siue apocopata, de quibus Marlianus rectè sentit. Quidam autem Caletos legunt per t in ultima syllaba. Quidam etiam aliqua horum populorum nomina inclinant tertia decli. quæ alij secunda. Non est autem dubium quin Romani Gallica nomina omnia corruerint, sicut contrà nostra ætas Romanis sua deprauat.

Loco pro castris.

Uidetur legendum esse, loco opportuno atque idoneo capto, alioqui nullus uidetur sensus. Est autem Topographia, hoc est, loci descriptio pro instruenda acie elegantiſſimè posita.

c 4

Sectio

Sectionem eius oppidi  
uniuersam.

Señtor est estimator redemptor que bonorum damni-  
ti atque proscripti. Ascon. Padianus. Res autem ipsa fe-  
ctio dicitur.

Ad Venetos, Vnellos,  
Osissinos.

Venetos Ptolemæus maritimos facit in Lugdunen-  
si Gallia, à quibus putat Strabo libro quarto Venetos in  
Italia nomen suum habere: quod uerisimilius est, quàm  
quod Liuius, perpetuus Gallici nominis hostis fabula-  
tur, ab Antenore proditore urbis Troie originem tra-  
xisse Paduanos, ab Heceto Paphlagonum duce Vene-  
tos. Osismios Ptolemæus uocat, quos Caesar Osissinos,  
quanquam hoc nomen mirè uariatum inuenitur. Vnel-  
li præterea ad mare ex aduerso Britanniae positi sunt.  
Ceterum qui hic enumerantur populi, hodie Britan-  
niae nomen habent. Hoc enim nomen in Continentem  
migravit, cum prius Insulae esset. Nunc uerò Britoni-  
bus eiectis Angliarum nomen est insulae, quanquam eius  
Septentrionalem partem tenent Scoti. Mansit igitur no-  
men Britonum in Gallia. Porro Carnutes & Rhedones  
populi inter Ligerim & Sequanam amnes sunt, eodem  
autore Ptolemæo: & non longe ab eis Andes, ubi in Hy-  
bernis fuit exercitus Caesaris. Aulertij autem hodie Nor-  
mandiae sunt populi: de quibus postea plura.

ANNO T. IN LIB. II.

FINIS.

## IN C. IVLII CAESA-

RIS COMMENTARIORVM

de bello Gallico librum 111. Glareani

annotationes.



**T**ERTIVS commentariorum liber, tertij anni huius belli historiam complectitur, ab urbe condita, anno DC. XCVIII. Coſs. Cn. Létulo Marcellino, L. Martio Philippo. Infunt autem quatuor bella. Primũ Serg. Galbæ aduerſus Sedunos, Veragros, & Antuates. Secundum ipſius Caſaris ac Bruti in Venetis. Tertium Q. Titurij Sabini in Vnellis. Quartum P. Craſſi in Aquitanis. Adiungitur his expeditio Caſaris in Morinos ac Menapios: ubi nihil dignum memoria actum eſt.

Sedunosq; miſit.

Reſtiſſimo ordine Caſar hoſce nominauit populoſ: ſunt enim ex Heduis ad ſummas Alpes eunti, primi Antuates, medij Veragri, ultimi Seduni: ſed non eſt tamen eadem regionis conditio, optimam Antuates, mediocrem Veragri, aſperam ſed multò longiorem Seduni tenèt, qui quidem Seduni à ſummis Alpibus initio ſumpto, atq; adeò à fontibus Rhodani ſecũdum ipſum flumen uallem habent extentam c. millia paſſuum. Homines liberi, & quos Romani nunquam cogere potuerint, ut ipſorum diſcerent linguam: quod ſignum eſt uel nihil ibi unquam, uel paruo admodum tempore potuiſſe Romanos. Habent itaque adhuc antiquam linguam Gallie, qua etiamnum Heluetij utuntur. Rhodanus ſanè inundatione frequenti multa illis adfert incommoda, nec minus ingentes illi torrentes, qui tantum ſaxorum, ut montis æquare queant, ingerunt.

c 3

ipſi

Ipsi hodie pristina retenta uirtute, Veragris, qui Romana utuntur lingua, dominantur, ac in Prouinciam redegere, parte etiam Antuatium occupata. Sedunum præcipuum eorum oppidum est, in quo Episcopum constituunt, qui regioni & ut princeps, & ut Ecclesiasticus præsul imperat, liberis tamen, non seruis: nihil enim publicè agit absq; omnium ciuium eius regionis consensu. Heluetijs sunt confederati, ut Rhæti, maximè quatuor partibus Lucerie, Uriæ, Suizie, ac Syluanie, quibus cum ueterem ac maiorum suorum fidem nostra ætate egregiè defenderūt. Cæterum Octodorus in Veragris uicus hodie Marianach dicitur, flumini adiacet quod ex Pœnino monte (maior S. Bernardi uocatur) Septentrionem uersus fluens, Rhodano commiscetur. Agaunum autem locus est, qui hodie S. Mauricij dicitur, ad Rhodanū amnem, in ipsis etiā Veragris. Antuates autē inter Veragros ac Allobrogas medijs sunt, sed magis à latere lacus Lemanni, quā ad Heluetios pertinet. Hæc ferè ex D. Aegidij Tschudi ciuis nostri Rheticæ ueteris descriptione. Antuatibus nostra ætate præfuit generosus Baro, Lulini dominus, Aymo à Gebennis cum filijs, Georgio, Guidone, ac Prospero. Porro de summis Alpibus, qui Pœninas esse Alpes astruūt ad Octodorum, egregiè decipiuntur. Nam Casar hoc loco Sedunorum, Veragrorum atq; Antuatium longitudinem exprimere uolēs, ait eos à finibus Allobrogū & lacu Lemanno & flumine Rhodano ad summas Alpes pertinere, qua descriptione nihil luculentius dici potest. Cæterum ubi potius summas Alpes dixerimus, quā ubi in omneis mundi plagas flumina eximia fluunt ac originem habent? Sunt autem hæc Alpiū parte septem hæc, Ticinus, qui ad Meridicm, Tosa ac Madia ad eundē. Rhodanus ad Occasum, Arola

*Arola ac Vrsa ad Septentrionem, Rhenus ad Ortum duobus fontibus, ut postea dicemus libro sequenti.*

Concisa æstuarijs,

*Æstuaria loca sunt marinis aquis referta.*

Socios sibi ad id bellum,

*Qui hoc in loco numerantur populi, partim sunt Celtae, ciuitatum maximè Armoricarum, hodie Britanniae ducatus, partim sunt Belgæ, hodie Normaniæ Comitatus. Morini tamen & Menapij remotiores.*

Quas ex Pictonibus & Santonis.

*Santonibus puto legendum. Nam libro primo tertia utitur declinatione. Iter (inquit) in Santonum fines facere. Rursus de eisdem, Dum omnibus fortunis sociorum consumptis in Santones Heluetij peruenirent. Nisi quis putet Cæsarem eo nomine utraq; usum declinatione: sicut Mediomatricum nomine, libro 4. ubi de Rheni fluxu, tertia. At lib. 7. ubi de Gallorum copijs, secunda utitur. Codicum fidem ubiq; in dubium adducere, nimium solenne est. Sed iudicet Lector.*

Carinæ aliquantò planiores.

*Carina infima naui pars est.*

Transtra ex pedalibus in  
altitudinem.

*Transtra & tabulae nauium dicuntur: & tigna, quæ pro pariete in parietem porriguntur: autore Festo.*

Pelles pro uelis, alutæq;  
tenuiter.

*Pellis postquam est concinnata ad calceos, & cætera opera facienda, aluta dicitur. Varro.*

His cum fines, qui antennas.

*Antennæ sunt ligna per transuersum in malo posita,*  
in qui

in quibus uelum alligatur.

Tanta subito malacia.

Malacia est maris quies, cum fluctus omnino quiescunt. Suidas *ῥαθυμία* exponit.

Atque his paucis diebus Aulerci Eburonices.

Ptolemæus triplices ponit Aulercos in ipsa adeò Lugdunensi Gallia, quæ inter Sequanam ac Ligerim. Primos Diabolitas aut Diaulitas, ut alij habent codices, quos Cæsar paulò antè in hoc libro Diablintres uocasse uidetur. Hic proximi sunt Venetis. Alteros Cœnomannos, Andibus ad Ortum. Tertios Eburaicos à Ligeri ad Sequanam protensos, quos hic Cæsar Eburonices uocat. Vnus igitur hic populus Aulerci Eburonices, non duo. Aulerci Gallica lingua uidentur dici *Owlercher*: & *Diaulita* die *ow luot*. Cœnomanni uerò *Kuenmaenner*, quos Græcè *Thraszyandros* dicere possis.

Sontiates magnis copijs.

Sontiates populi Aquitaniæ, quos Plin. lib. 4. cap. 19. Sotiates uocat, ubi de Aufcis.

Alia ex parte oppidi Adcan-  
tuannus.

Hic suspensus est sermo per longius Hyperbaton, sed ea tamen uerba postea repetit. Exemplum simile est *Ægloga* 8. Vergilij ab initio: *Pastorum Musam Damonis & Alpheſibæi*.

Crassus in fines Vocontiorum.

Vocates, uel, ut alij uocant, *Vocatij*, populus Aquitaniæ, sicut & *Tarusates*, uicini *Sontiatibus*, qui non longè à Tolosa & Narbone absunt. Vocontij uerò Galliæ Pro-  
uinciæ, proximi *Allobrogibus*, ut ex libro primo patet.

Hic

Hic igitur legendum est, aut Vocationum, aut Vocationum,  
non Vocontiorum.

Quæ ex Aquitania, Cantabrisq̃.

Cantabri sunt populi Hispaniæ ad Septentrionem atq̃;  
Oceanum Britannicū Gallicumq̃; spectantes: qui & mari  
& terra facile in auxilium Aquitanis uenire possunt. Tar  
belos porrò Ptolemæus Aquitanie populos itidem ad ma  
re collocauit. Bigerrones, non lōgè absunt à Tursa in Va  
sconia, tum Preciani, Vocates (à quibus putant Vascones  
dictos & Vasconia) Tarusates (Tursani hodie) Flustates  
(quorū et hodie nomē manet) Garites, his finitimi fuerūt,  
omnes hodie sub nomine Vasconia. Auscorum meminit  
Mela & Ptole. hodie nomē quoq̃; manet. Ceterū Garūni  
qui esse possunt alij, quā qui Garumnā flumen circum  
habitāt? Sibuzates uerò & Cocofates qui hodie sint, pa  
rum constat: certum tamen est Aquitanos esse.

Morini Menapij̃q̃ supererant.

Morinos & Menapios Caesar hoc loco coniūxit, quasi  
uicini sint hi populi, rursus libro sequente, ubi iturus in  
Britanniam, Q. Titurium & L. Aurunculeium in Mori  
nos atq̃; Menapios misit. Ad finem autem eiusdem libri  
eos ex Menapijs uenisse ait, cū ipse Morinos domuerit  
per T. Labienum illuc missum. Verisimile est aut latum  
habuisse imperium uel Morinos uel Menapios, aut hic  
ineptē librariorū errore coniunctos, uel alium quempiam  
populum alterutrius loco suppositum, quod equidem Le  
ctori discutiendum relinquo.

ANNOT. IN LIB. III.

FINIS.

IN



## IN C. IULII CAESA

RIS COMMENTARIORVM

de bello Gallico librum IIII. Glareani

annotationes.



VNT in hoc quarto libro hæc ordine:  
Bellum contra Vſipetes & Tenchtheros  
Germanos, qui à Sucuis pulsi, in Gallia ar-  
mis sedes sibi quæſierant: Vbi obiter Ger-  
manorum mores describuntur. Deinde transitus exerci-  
tus Caſariani per Rhenum in Germaniam: Vbi diffi-  
ciliſſima pontis deſcriptio habetur. Vltimò nauigatio in Bri-  
tanniam inſulam, quæ hodie Anglia dicitur, & reditus me-  
diocriter felix.

Vſipetes Germani & item  
Tenchtheri.

Vſipetes & Tenchtheri, quas olim habuerint ſedes  
apud Germanos, apud pleroſq; dubium. Althamerus ta-  
men inſignis noſtra etate rerum Germanicarum indaga-  
tor, Vſipetes ad Rhenum fuiſſe putat, maximè in eo tra-  
ctu, ubi nunc Franci ac Heſi colunt, nempe à Franciſuado  
nobili Emporio, Mœni oſtio, ac Occidentalem uulgò uo-  
catam Syluam weſterwaldt, & Conſuentes uſq;. In qua  
Plaga Ringoia eſt infra Magunciacum ad dextram Rhe-  
ni ripam. Tenchtheros uerò infra illos ad Vbios uſq; ea-  
dem Rheni ripa collocatos aſſerit, Heſi hodie eam regio-  
nes tenent. Hæc ex illo. Tacitus hoſce duos populos ait  
proximos Cattis colere Rhenum, certum iam alueo, quiq;  
terminus eſſe ſufficiat. Ceterùm ipſe Vſipios appellatſe  
uidetur ſecunda declinatione. Ptolemæus Viſprios, Tench-  
theros uerò Tingeros. τινγρις enim Græcuſ habet co-  
dex.

dex. Hoc autem lectorem meritò moretur, si Vspetes &  
 Tenchtheri Rhenani fuerunt, ut ex Tacito ac Ptolemæo  
 colligitur, quo nam pacto triennium uagati, ut hic ait Ce-  
 sar, Rhenum peruenerint, qua regione (nam ita legendum  
 puto, non, quas regiones, ut etiam ipsius trāsitus locus de-  
 scribatur) Menapij incolebant. quod utiq; Lectori cogi-  
 tandum relinquo. Nisi fortè Caesaris tempore alias quam  
 Cornelij ac Ptolemæi habuerint sedes. Sed hæc de his.  
 Sueuos autè Ptolemæus triplices facit, Langobardos Al-  
 straliores Sycambri à parte Rheni (quanquam eo in loco  
 Oquebos ineptè alij legunt, Bilibaldus Pyreckhaymer exi-  
 mius rerū antiquarū, dum uiueret, scrutator ac iudex, &  
 nobis amicus, Silebos traduxit. at miror Ptolemæi mentem  
 id loci non exactius animaduersam). Alteros Angelos ma-  
 gis Oriētales Lāgobardis, & in Septentrionē ad medium  
 Albi extētos. Tertios Semnones à medio Albi Oriētcm  
 uersus ad Sueuum usq; fluuium. Quo sanè ex situ quā-  
 latè olim patuerit Sueuorū natio, satis liquet. Ptolemæus  
 inter Germanos, quos Rheno propinquos facit, & Sue-  
 uos Langobardos ponit. Postea uerò cū Germanos Me-  
 diterraneos numeraret, qui ipsorum lingua Hertuoner  
 nominantur (Plinius corruptè aliquantò Hernuones uo-  
 cat): ibi uerò treis ingenteis commemorat populos Sue-  
 uos Angelos Sueuos Semnonas & Bugunfas. Verba  
 ipsius Græca subiungam: Τῶν ἢ ἐπὶ τοῖς μεσογείοις ἔθνῶν,  
 μέγιστα μὲν ἐστὶ τὸ, τε τῶν Σκυθῶν τῶν Ἀγραιῶν. οἱ εἰσὶν  
 ἀνατολικώτεροι, τῶν Λαγυοβάρδων, ἀνατίνοντες πρὸς  
 τὰς ἀρκτὺς μέχρι τῶν μέσων τῆ Ἰλβίου ποταμοῦ. Καὶ  
 τὸ τῶν Σκυθῶν τῶν Σιμόνων, οἱ τινες δὲ λέγουσι με-  
 τὰ τὸν Ἰλβιν ἀπὸ τῆ ἐρημίας μέρους πρὸς ἀνατο-  
 λὰς, μέχρι τοῦ Σκύθου ποταμοῦ. Καὶ τὸ τῶν Βυγυῶν  
 τὰ

τὰ ἐπεὶ οὗτοι, καὶ μέχρι τῆς διότληα καὶ χόντορ. Quæ uerba ita uertenda erant, Interiores autem et mediterraneæ gētes maximæ sunt, tum Sueui Angeli, qui Langobardis magis Orientales sunt, in Septentrionem protensi, ad mediū usq; Albis fluuij. Tum Sueui Semnones, qui habitant post Al- bim à prædicta parte, ad ortum ad Sueuum usq; fluuium. Deniq; Buguntæ, qui reliqua deinde sequentia, ad Vistu- lam usq; flumen tenēt. Buguntas puto à Ptolemæo dictos, quos postera ætas Burgundos uocauit. Nostri ætate Sue- uorum natio de uetere sede nihil possidet. Nam hæ gētes, ubi illi olim sederunt, ne nomen quidem Sueuorum serant, si quis forte Sueuos appellarit.

Centum pagos habere dicuntur.

Centum horum pagorum lib. i. antè mentio facta est. Sed pagū haud dubiè alia significatione dixit, quàm cum de Heluetijs loqueretur. Ibi enim pagus ut minimum xx. millia hominum continebat: hic uerò pro ditiumcula bino- rum aut ternum millium uirorum accipitur, quemadmo- dum postea cum de Morinis in hoc lib. loquitur: Reliquū, inquit, exercitum Q. Titurio Sabino, et L. Aurunculeio Cottæ legatis in Menapios, atq; in eos pagos Morino- rum, ab quibus ad eum legati non uenerant, ducendum de- dit. Verum hoc sciendum, quemadmodum omiſsa de Vsi- petibus ac Tenchtheris cœpta narratione ad Sueuos Cæ- sar diuertit, ita mox relicta de Sueuorū centum pagis cœ- pta historia ad omnium Germanorum mores enarrandos statim sermonem conuertit. Quod ex his manifestum est. Nam quæ hic de equestribus pralijs scribit, mox in Vsi- petū ac Tenchtherorū pugna eadem commouerat. Item, quæ de priuato nullo agro, de uictu ex lacte, de corpo- rum nuditate, eadē omnia sunt lib. vi. de Germanis. Deniq; cum

cum de iumentis hic loquitur, quibus maximè Galli dele-  
 ctentur, quæq; impenso parent pretio, continuò non Sue-  
 uos, sed Germanos subiecit: Germani (inquiens) impor-  
 tatis non utuntur, &c. Atqui Cæsar ipse, ut hoc loco &  
 lib. v. sibi constat, uix equidem expedit. Hic enim per  
 millenium uirorum apud Sueuos cõmutationem neq; belli  
 neq; agriculturæ rationem intermitti scribit. In sexto ue-  
 rò Germani, inquit, agriculturæ non student. Rursus hoc  
 in loco, Neque longius, inquit, anno remanere uno in loco  
 incolendi causa licet. Paulò uerò post, in hoc adeò libro,  
 Sueuos oppida habere commemorat, de quibus iussu sint  
 missis nuntijs, post habitum concilium, demigrare. Ad quid  
 autem oppida habent, si non liceat longius anno remane-  
 re uno in loco incolendi causa? Sed habent hercules, ha-  
 bent inquam historici Romani ubi haud dubiè negligenti-  
 æ accusari queant. Quidam nostra ætate de Sueuis ser-  
 monem ingressi, ita latos eorum faciunt fines, ut totam fratrè  
 Germaniam occupent. Vnde planè euenisse credo, cum  
 Germanum dicere uellent, Sueuum dicerent. Quæ consue-  
 tudo etiamnum apud Heluetios, unicæ ueteris Gallie re-  
 liquias, manet.

Et in fines Eburonum & Con-  
 drusorum.

Condrusorum & Eburonum supra etiam meminit lib.  
 11. ubi à Germanis originem eos ducere dixit. Quidam  
 Eburones hodie putant Leodienses esse, Condrusos uerò  
 Aquenses, unius diei ab Agrippina itinere.

Mosa profluit ex monte  
 Vogeso.

Mosam fluuium Cæsar luculenter describit, seruat au-  
 tem etiamnum nomen, sed pars Rheni quæ ipsum excipit,  
 d hodie

hodie Valis dicitur, allusione ad Caesaris uocem, qui Valalon appellat, quanquam uetustiores codices Vualin habent. Vosagus autem mons, ab alijs Vogesus, latè patet. Separat enim Burgundos hodie & Lotharingos, deinde Elsatiam ab eisdem Lotharingis: meminit eius Lucanus in primo Pharsalie:

Deseruere cauo tentoria fixa Lemanno,  
Castrâq; quæ Vogesi curuam super ardua ripam  
Pugnaces pictis cohibebant Lingones armis.

Quæ carmina, ut mendosa, Antonius Sabellicus aliter legit, maximè duo sequentia.

Castrâq; Vosegi curuam super ardua rupem  
Pugnaces pictis cohibentia Lingonas armis.  
Vnde de huius nominis syllabis quantæ sint, nihil definire quimus: quando in uulgata lectione priores utraque correptæ, in Sabellici productæ legantur. Quanquam si uulgata lectio uera esset, Vosagus siue Vogesus flumen potius quàm mons uideri poterat. Quare hoc Lectori neutiquam negligendum: nos certè nullum alium autorem habemus, quantum equidem meminisse possum, ex quo certiora adferremus.

Rhenus autem oritur ex Lepontijs.

Neminem ducat admiratio, si ueteres Geographi, quando omnia, uel hostilia, uel inaccessa, incognita uel erant, de Rheni ortu tractuq; adeò exiguum nobis aperuerunt notitiam, quâdo nostra hac ætate, cum omnia peccata, omnia lustrata sint, quidam ex professo de fluuiorum tractu scribere aggressi, nobis & Rhenum & Danubium duo maxima celeberrimaq; Europæ flumina, non satis luculenter, inò ualde accisè descripserunt. Inter ueteres tamen

script

Scriptores, Latini, quorum imperium ad utrunq; flumen finiebatur, multò magis quàm Græci mihi uisi sunt negligentes. Nam Strabo atque Ptolemæus, Dij boni, quàm multis studijs, diligentia, ac sedula cura præcurrunt Plinium, Tacitumq; , utrunque rei scribendæ oculatum (si Dijs placet) testem. Plinius libro 111. cap. x x. Sarunetes ortum Rheni accolunt, inquit. Item libro 1111. capite x v. ostiorum Rheni meminit, originis nihil. Tacitus in Germaniæ descriptione, Rhenus, inquit, Rhæticarum Alpium inaccessio ac præcipiti uertice ortus modico flexu in Occidentem uersus, Septentrionali Oceano miscetur. Hæc ille adeò breuiter de Rheno. De Danubio non minus concisus est. Sed cum de modico Rheni in Occidentem flexu mentionem faciat, ut quid non et de eius modico in Orientem flexu aliquid commemorat? Nulla hercle causa dari potest, nisi quia non norat, alioqui neutiquam taciturus. Luculentius aliquantò Pomponius Mela, quem uetustiore aliquantò utroq; existimo, utpote sub Claudio Imperatore, ut quidam non imperitè ex eo ipso colligunt. Rhenus (inquit lib. 111.) ab Alpibus decedens propè à capite duos efficit lacus, Venetum et Acronium: Mox diu solidus et certo alueo lapsus, baud procul à mari huc et illuc dispergitur. Hæc ille. At longè clarius Strabo, autor Græcus hæc lib. 1111. ac v 11. differit. Vbi etiam populos, lacus, accolat, item longitudinis latitudinisq; terminos commemorare non est grauatus. Sed opere præteritum uidetur, quādo propè ad caput eius flu. nati sumus, ac toties ipsum totum penè flumē nauigauimus, ut certiora de hoc, sed maximè quod ad caput attinet, ex certa ac indubitata descriptione D. Aegidij Tschudi tradamus. Meminisse autem oportet lectorem summas Alpes esse, qui hodie mons

Sancti Gotthardi dicitur, ob causam mox de Lepōtj ex-  
 plicandā: Cui Adulas mons ab ortu connectitur, continēt  
 quidem iugo, ut summarum Alpium uelut brachium, aut  
 maius cornu, dici queat. Rhenus igitur initio ex his Alpi-  
 bus sumpto, ab Orientali quidem earum parte, ubi Adula  
 monti coniunguntur, populiq; Lepontij habitant, duobus  
 nascitur fontibus, unius, ut minimum, diei itinere, propter  
 motium iuga, distantibus, Altero magis Occiduo, magisq;  
 Septentrionali, haud ita longē à Ticini fontibus, qui paulò  
 Occidentiores sunt. Ad eum Actuatij propē (hodie Ta-  
 uetsch) pertingunt. Per quorum uallem rectā ad Ortum,  
 non ad Septentrionem, ut falsò ueteres credidere, currit.  
 Hodie propriē Canini dicuntur à canis, siue Grifones, ut  
 uulgus appellat. Oppidum Iliantū, nunc Ilanz, habent.  
 Sub quo Glenner flu. ex ualle Lugnitia descēdens, ab hoc  
 Rheni fonte à dextris suscipitur. Hic fons Anterior Rhe-  
 nus uulgò nominatur. Altero magis Orientali magisq; Au-  
 strali ex Adula monte, è regione fluminis Muesæ, quod  
 Misauorum uallem abluit, et paulò supra Bellizonam  
 Ticino coniungitur. Hic fons Posterior Rhenus ab accolis  
 dicitur, sicut alter, Anterior. Labitur etiam rectā in Or-  
 tum ad insignem pagum Spelucam, deinde ad Schams, et  
 ad Altam Rhetiam (ita nominant arcem in excelsissimo  
 monte sitam) propē pagum Tuscanum, ubi fluuium Albel-  
 lam, ab ortu contrario cursu lapsum, à dextris suscipit.  
 Vallis insignis sub eo confluente est Tumiliasca. Hic uerē  
 Rhetie amoenissimus situs, hic innumera, ut nusquam al-  
 liās uiderim, multitudo arcium fuit, quarum uestigia  
 etiamnum uisuntur, plerasque uel bella, uel alius casus  
 absumpsit. Hæc uitisfra regio est. Hic prorsus in Septen-  
 trionem conuertitur curritq; Rhenus ad Rhetium arcem,  
 ubi



ubi Anteriorem Rhenum suscipit, qui cum eo in Ortum  
 propè parallela decurrerat linea. Hic ambo iam unum  
 flumen, Rhætorum Curiam petunt, & hic quoque sunt  
 ueri Rhæti & Canini. Curia ipsa ad Plessuram flumen,  
 elegans sanè oppidum est. Sub eo Rhenus tortuosior in-  
 gressus Ciceres pagum adit. Ibi ad x. x. millia passuum re-  
 ctà in Occasum tendit. Rhucantiij (quorum Plinius memi-  
 nit) uallem obtinent. Langarus est flumen, ex Rhæticone  
 monte (cuius mentio est apud Melam) ortum, et per Rhæ-  
 ticam uallè delapsus, quod hoc loco à dextris Rhenus su-  
 scipit: mox Lupinum oppidum peruenit, Maij cāpum ho-  
 die uocant. Toto hoc tractu uitifera est regio. Hic Sarune-  
 tes (qui nominati sunt apud Plinium) à sinistris relinquit,  
 elegantissimā sanè uallem, quæ lacum Riuarium attingit,  
 uulgò Valense; nos superius alicubi etiam Vesenium no-  
 minauimus. Hic Rhenus inter duos montes (Alberg &  
 Schalberg uulgò uocantur) ad Estiones rectà in Septen-  
 trionè delabitur. Meminit Estionum diligenter lib. I I I I.  
 Strabō. adhuc nomen retinent. Hinc ad locum Benedurum  
 à dextris Campum S. Petri (Feldkilch nomināt) oppidum  
 sanè elegans, aliquot millibus passuum distans, habet à si-  
 nistris Comitatum werdemberg, Claronensis Ditionis.  
 Sub Beneduro à dextris suscipit fluuium illum, qui è Rhe-  
 ticone monte ortus, ac per uallem Drusianam (uulgò wal-  
 goew) lapsus oppidum Feldkilch alluit. Sub hoc confluen-  
 te Ruguscos à sinistris habet (Rintal nunc nominant) Di-  
 tionis Helueticæ. Porro & Estionum & Ruguscorum re-  
 gio uitifera est. Hinc lacum Brigantinum, ut Plinius, ac  
 Solinus, uel Acronium ut Mela, uel Constantiensem Pot-  
 micumq; ut uulgius nostra ætate uocat, ingreditur. Circui-  
 tus eius Lacus à Strabone lib. V I I. supra c c c. stadia



proditur, longitudo circiter c. c. latitudo dimidio minor. Nihil hoc Lacu elegantius. Ad caput eius Brigantium oppidum est. Vnde & nomen inuenit. Deinde à dextris, quæ parte Vindelici, nunc Lintzgoewer, olim habitarunt, Lindauium est in insula oppidum, cui oppido parua alia adest insula etiamnum insulae nomen retinens, quæ uelut arce ad inuadendos Vindelicos commodissimè usus est in naualibus pugnis Tiberius, ut inquit Strabo eodem libro. non sanè illa, quæ in lacu inferiore Augiæ nomen apud quosdam habet uulgò Richenow, quasi diceres diuitem terram. quæ nonnunquam sicco adiri potest. Sunt alia item ab eodem latere oppida Langenarg, Buochhorn, Mersburg Præsulis Constantiensis domicilium, Vberlingen eximium oppidum, extremo eius lacus angulo. À sinistris uerò & littore Heluetico, Arbor felix, Acronij cornu & Constantia. Hic Rhenus è superiore lacu inferiorem lacum ingreditur, quem Pomponio Venetum appellatum contendunt. Nostra ætas Cellensem ab Radolphi cella insigni oppidi, uocat. In hoc lacu qui quadruplo minor est superiore, Augia insula est, ut diximus. Oppidula alia sunt ab Heluetiorum parte, Steckborn ad Lacum, infra autem lacum & ad Rhenum iam prorsus in Occasum conuersum Stein, & Dieffenhoffen, deinde Scaphusia à naualibus nomen habens, à dextris in Germanorum littore elegans oppidum, à quo Danubij fons, qui hodie creditus, ut x. x. nullibus passuum distat. Sub Scaphusia ad tria circiter millia passuum itinere pedestri, non autem secundum fluminis circuitiōnem, est maior Rheni Cataractes, hoc est, fluminis de alta rupe præcipitatio, cum ingenti strepitu & stupenda aquarum ad scopulos collisione. Quem locum admodum miror, neque Plinio, neque Cornel. Tacito, qui

to, qui se Germaniam Galliamq; uidisse gloriantur, ne uno quidem uerbo nominatum. Eum nos in Panægyrico de Heluetijs, ubi Scaphusia laudes canimus, his uerbis obiter descripsimus:

Quam propius liquidi facies nitidissima Rheni  
Alluit, hic rapidus resfluente in gurgite uortex  
Cernitur, Euripum referens, Scyllæq; uoracis  
Latratus, hic unda alti de uertice montis  
Lapsa ruit præceps, sterilemq; cructat arenam  
In circum, sursumq; uolans portendere nubem,  
Aut nebulae speciem, & cælum pulsasse uidetur.

Sub eo iam Cataracte in se ipse propemodum, ut de Meandro scriptores referunt, Rhenus redit, duobus in longum spatium gyris, ad tubæ ductilis formam spiras faciēs. Quo in loco cœnobium, hodie Rinow, ubi olim magnum fuisse oppidum fama est. Videntur adhuc aliqua urbis uestigia, sed non omnino uetusta, ut puto, nulla, quod sciam, Romanis literis inscriptione. Quidam Sueuorum principum, dum aliquā Heluetiorum partem tenebant, fuisse Regiam perhibent. Paulò inferius Rhenis Dur flumen excipit, de quo in superioribus. Hinc rursus, ad 1111. millia passuum in Austrum uersus, Toësam flumen à sinistris, ad oppidum Eglisow Ditionis Tigurinae, & rursus dein facto paruo admodum arcu prorsus ad Occasum conuersus, paulò infra aliud flumen itidem à sinistris, Glat uocant, ex duobus Ortum lacubus, Pefino & Gryphio accipit. Hinc oppidum Keiserstul, quasi dicas Caesaris solum à sinistris habet, mox Zurzachium nobile emporium ab eodem latere, multi forum Tiberij Ptolemeo dictum putant, non omnino absque ratione. Nam locus peruectustus uidetur, Collegio Canoniorum ac Diuæ Verenæ uirgi-

nis tumultu nobilis. Quidam autem Caesaris solium Pto-  
 lemeo forum Tiberij dictum putant, sed Zurzachium  
 Gannodurum. Hinc ad quintum millia passuum Confluens  
 est Rheni ac trium fluminū siue Pagorum, antea in unum  
 sub Aquis, Vindonissāq; commixtorum. De hoc, ubi de  
 pagis Heluetiorum libro primo satis, ut puto, diximus.  
 Hic Rauracorum incipit tractus, cuius quatuor elegantia  
 sunt oppida, de quibus eodem libro primo. Primum igitur  
 Waltzhuot in latere dextro, à Confluente duo millia  
 passuum distat, cui Sylva Hartziana ab Ammiano Mar-  
 cellino sic dicta, non Martiana, ut corrupti habent codi-  
 ces, imminet. At de hac postea plura lib. v. 1. Alterum in-  
 de ad decem millia passuum latere Rheni sinistro, quan-  
 quam pons bina connectit oppidula, sed maius cum arce à  
 sinistris est. Hic minor est Rheni cataraetes, non ita præru-  
 pta, ut superior, rupe, decliuus tamen & scopulis horridis,  
 angustiaq; memorabili insignis. Nec tamen minore altitu-  
 dine, si à supremo eius labro ad procellarum ac seuientis  
 unde finem supputes. Nomen inde Lauffenberg, quasi di-  
 cat, Cataraete mons: quippe cui insignis arx imposita est.  
 Octo millibus inde passuum insulam facit, diui Fridolini  
 sancti uiri, qui ante mille annos in eam uenisse dicitur, se-  
 pulchro nobilem. Tertium Rauracorum oppidum, ubi &  
 nobilium uirginum Collegium est. Nec apud me dubium,  
 quanquam in Rauracis hic locus est, à Sequanis tamen,  
 qui non longè inde absunt, nomen habere, non à Sac-  
 co, ut uulguis torset uocem. Huic Collegio non parum  
 debeo, & propter patriam meam Claronam quæ illi  
 fœderis iure multis seculis obnoxia fuit, & mei etiam  
 causa, quòd illic ab ipso Collegio ac senatu sæpe ho-  
 nestè exceptus fuerim. Sane per omnem Rauracorum  
 terram

terram Rhenus citatus fertur, donec ad quartum oppidum  
 (Rhinfelden appellant, quasi dicas Rheni campum) deue-  
 nerit. id à sinistris habet, & ipsum elegans sanè oppidum.  
 Hic quoque aliquid Cataractæ simile uidetur, nullo tamen  
 magno nauium periculo: quippe quæ cum hominibus (qui  
 quidem uolucrunt, nam licet cuique paulò superius nauim  
 exire) tutò transeunt, cum in maiore Cataracte nullæ pror-  
 sus naueis, in minore uacue per funes, aliquando & cum  
 hominibus, sed audacibus, et uitam nihil facientibus trans-  
 mittantur. Hic autem, ut diximus, licet transire si uelis,  
 Vulgus Helhacken, id est, Tartari uncum uocat. Cum Rhe-  
 nus paruus, uidetur in medio eius alueus aquarum inter  
 rupes, quem nautæ norunt, etiam turbulento amne. Post  
 hoc oppidum nihil amplius in Rheno tumultus est, placi-  
 dus inde adhuc ad x l. aut circiter millia passuum meat,  
 donec Basileam uenerit. Ibi uerò prorsus ad Septentrio-  
 nem conuertitur. Hic itaque uerus est Rauracorum tra-  
 ctus, quem nescio, num quisquam ante hanc ætatem rectè  
 nouerit. Qui eum à Basilea ordiuntur, Colmariam usque,  
 planè errant. Ceterum sub Rinfelden ad l l l. millia  
 passuum à sinistris Augusta Rauracorum fuit, in humilem  
 hodie redacta uicum. Visuntur adhuc ueteres ruinae, tur-  
 rium, cloacarum, pyramidum, numismata plurima, aurea,  
 argentea, ac ærea: ab Hunis uulgò creditur diruta. Alij  
 malunt ab Alemannis sub Valentiniano tertio euersam.  
 Totus fermè Rauracorum tractus hodie Ditionis est Du-  
 cum Austriae. Terminantur autem ad Byrsam flumen,  
 quòd d. circiter passibus supra Basileam à sinistris Rhe-  
 nus excipit. Nam Basileam ego in Sequanis constituo:  
 attingunt enim Sequani ea parte Rhenum, ut libro pri-  
 mo inquit Caesar. Sungoij hodie haud dubiè pars sunt Se-  
 d s quano

quatorum. Hæc hæftenus de Rheno certa ac uisa potissi-  
 mum hac de causa retulimus, quòd plurimum à ueteribus  
 neglecta, à recentioribus non satis diligenter, imò nec ue-  
 rè tractata uiderimus. Reliqua deinde à Basilea ad finem  
 usque fluminis, etsi pleraque nobis uisa sunt, uerum quòd  
 id à multis annis factum, nec ita recenti sunt nobis memo-  
 ria, tum quòd ab alijs diligentius quàm superiora, quæ  
 nunc diximus, tradita, consultò omittantur. Nam quod ad  
 hunc attinet locum, satis nobis dictum uidetur. De ostijs  
 eius (ut hoc Lectori uelut parergon adijciamus) uaria est  
 apud autores opinio. Vergilius bicornem Rhenum uocat  
 V I I I. *Acneidos*, quòd duo sint eius ostia. Plinius libro  
 I I I I. cap. x v. *Helium ac Fleuum* uocat. *Cæsar* alte-  
 rum quod *Mosam* accipit, *Vacalon*, quam hodie *Valim*  
 uocant: Alterum uerò neutiquam nominat, olim *Rheni*,  
 ut quidam putant, hodie *Leccæ* nomen habet. Sed audia-  
 mus duorum hac de re autorum uerba. *Pomponius Mela*,  
 eodem quo iam diximus loco, hæc continuo subnectit uer-  
 ba: Sed ad sinistrum, inquit, amnis etiam tum, & donec  
 effluat, *Rhenus*: ad dextram primo angustus, & sui simi-  
 lis, post ripis longè ac latè recedentibus, iam non amnis,  
 sed ingens lacus, ut campos impleuit *Fleuo* dicitur, eius-  
 demq; nominis insulam amplexus, fit iterum arctior, ite-  
 rumq; fluuius emittitur. Hæc ille. Quæ uerba, si sinistri ac  
 dextri nominibus utitur consucto modo, ut hoc *Germani-*  
*cum*, illo *Gallicum* latus designet, *Valim Rhenum* uocat,  
 alterum autem ostium *Fleuum*. *Cornelius autem Tacitus*  
*Augustæ historiæ lib. 11.* *Rhenus*, inquit, uno aluco con-  
 tinuus haud modicas insulas circumueniens, apud princi-  
 pium agri *Bataui* uelut in duos amnes diuiditur, seruatq;  
 nomen & uolentiam cursus, quæ *Germaniam* præuehi-  
 tur,

tur, donec Oceano misceatur, ad Gallicam ripam latior, et placidior affluens, uerso cognomento Vahalin accolæ dicunt, mox id quoque uocabulum mutat Mosa flumine, eiusque immenso ore in Oceanum effunditur. Hæc ille. Quibus uerbis Melæ contrarium indicat: nempe Septentrionalius ostium Rheni cognomine dictum: alterum Vahalin, quod Cæsar Vacalon, siue (ut alij habent codices) Valin uocat. Memini antè annos xli. cum ea de re Desyd. Brasino, ut ad Rheni ostia nato, autorum uerba proposuissem, casu ei colloquio interuenisse ex Belgis uirum eruditum, recens ex Italia profectum, Antonium (cognomen, quod uehementer dolet, non teneo) artis medicæ professorem. Hic cum audiret mirari me autorum tam uarias opiniones de ostiorum Rheni cum numero, tum nominibus, Glareane (ultra inquit) uideo quid erres: Rem, si gratum tibi putes, breuibus expediam. Imò percipio, inquam. Tum ille, Tertium, inquit, Rheni ostium, quod hodie Isela dicitur, Ptolemæo, et nescio quibus alijs celebratum, id uerò antiquitus non fuit. Sed Drusi aduersus Germanos bellantis iussu, fossa in mare deducta factum est, ut munimentum aduersus barbaros esset. Atque ideo Ptolemæo tria sunt Rheni ostia, quæ ueteribus duo. Hæc cum audissem acquieui: uerum quid idem de nominibus sentiret ut interrogarem, in mentem non uenit, nec tum id agebam. Cæsari hercle ea de re nihil certi constitit. Vbi Oceano, inquit, appropinquauit, in plures diffluit partes. Et rursus paulò post concludit: multisque capitibus in Oceanum influit: per caput, ut opinor, ostium intelligens, per partes, brachium, ut uulgò loquimur. Sed huius parergi etiam nunc plus quam satis.

Ex

## Ex Lepontijs.

De hisce sanè populis, quando ex Geographis nihil certi nostra ætate scire potuimus, partim quæ uidimus ipsi, partim quæ Tschudus noster diligenti cura in dicto toties libro promit, Lectori aperiemus. Plinius lib. 111. Lepontios (inquit) ac Salassos Tauriscæ gentis idem Cato arbitratur. Cæteri serè Lepontios relictos ex comitatu Herculis interpretatione Græci nominis credunt, præuistis intra sinus Alpium niue membris. Hæc ille. Catonis opinionem comprobatur linguæ usus apud eos Lepontios apud quos Rhenus oritur. Cæterum in uniuersum hoc sciendum, Lepontios latissimè olim dispersos fuisse, & in circum summæ Alpeis occupasse. Primum enim ad earum ortum Lepontij sunt, qui Gallica adhuc, quæ hodie Heluetij, utuntur lingua, apud quos Australior Rheni fons oritur, ut dictum est. Ad earundem autem Meridiem, quicquid inter Bellizonam, ac montem S. Gotthardi est, uulgus Leuontinam uallem uocat, Vrorum hodie Ditionis. Per eam uallem amnis Ticinus à summis ortus Alpibus, ut antè diximus, fluit. Ad Occasum earundem habitant Lepontij, quos Plinius Viberos uocat, apud quos Rhodanus oritur. Et hi quoque nunc prisca Gallica utuntur lingua. Denique ad Septentrionem ad Vrsam flumen pulcherrima ualle, Vrsula huic nomen est, Lepontij habitant: & hi Gallicam etiamnum habent linguam. Ptolemæus Lepontiorum oppidum Oselam ponit. Cuius hodie quoque nomen in ualle manet, amne Tosa irrigua, qui amnis ex summis oritur Alpibus, ut Ticinus. Oppidum infima ualle iacet, hoc tempore à Canonicorum Collegio Domno de Oselo ab Italis dictum. Longè sanè ab Ocelo oppido, cuius Cæsar in primo meminit, quod ad Duriam minorem est, ut antea diximus.



mus. Multas alias præterea ualles habuerunt Lepontij, de quibus multa eruditè Tschudus noster. Apud eos sanè septem oriuntur flumina, ut antea dictū est, in omneis mundi partis præcipitata. Ipsi Lepontij medij sunt quinq; horum populorum, Rhætorum, Insubrium, Salassiorum, Sedunorum ac Heluetiorum. Rhætos quidem ab Ortū, Insubreis ad Meridiem, Salassios Sedunosq; ad Occasum, Heluetios ad Septentrionem habent, nec poterit circino melius eorum describi regio.

Per fines Nantuatum.

Nantuates qui hodie sint, non planè constat: Quamquam sunt qui Constantienses uelint. Hoc certum est ex ordine Cæsareæ descriptionis, Regionem inter Lepontios ac Heluetios secundum Rhenum designari. Quando autem Cæsar Rhætorum nomen nusquam habet, oblata toties nominandi occasione, Tschudus existimat non esse dubium quin per Nantuates Cæsar Rhætos intelligi uoluerit, quod ego quoque credo. Fieri autem potest, ut Aetuatium scriptum fuerit, quod in Nātuatium deprauatum fuerit. Codices enim quidam Mautuatium habent. Sunt autem Aetuatij ad Ortum citerioris fontis Rheni, ut in descriptione eius iam diximus.

Mediomatricum.

Mediomatrices hic tertia dicit declinatione, quod lib. septimo secunda, ut Plinius eum secutus. Verum eiusmodi multa reperis, quemadmodum plus quinquies uariatum Teutones & Teutoni apud hunc autorem. Tale etiam uideri poterit Vocates & Vocatij, & quos Cæsar Tarusates, alij Tarusattos uocant: de Santonibus siue Santonis etiam alibi admonuimus, nec opus pluribus. Mediomatrici igitur consistunt ad Mosellam fluuium, quorum olim imperium



perium Rhenum usque pertingebat: hodie eximium oppidum habent Metas. De Tribocchis lib. 1. admonuimus.

Ex quibus sunt, qui piscibus  
atque ouis.

Videtur Sehandiæ insulas designare, quæ hodie sunt in regione Flandriæ, ostiorum Rheni & Hollandiæ, sed nequaquam à feris gentibus habitata: quidam Cymbrorum insulas faciunt, quibus nos non subscribimus.

Se trans Rhenum in fincis Sicambrorum.

Sicambri transrhenani populi sunt in Germania apud Cæsarem, hodie Vestphaliæ pars, non autem Gelrenses, cum Geldria hodie tota cis Rhenum sit in Gallia. Sicambros sanè transrhenanos non Cæsar tantum, sed Ptolemaeus, Strabo & Tacitus commemorant. Quidam ut Suetonius ac Florus aiunt posterioribus temporibus in Germaniam traductos, sed nos de tempore Cæsaris loquimur, ac de hoc loco.

Hæc utraque, insuper bipedalibus trabibus.

Antequàm ad hæc Cæsaris uerba deueniamus, hoc Lectorem præmonere uoluimus: Placere mihi iucundi picturam, quæ pleraque Cæsaris uerba luculenter exprimit, exceptis ijs quæ Cæsar de publicis ita describit. Ac nihilo secius publicæ ad inferiorem partem fluminis oblique adigebantur, quæ pro ariete subiectæ, & cum omni opere coniunctæ, uim fluminis exciperent, & aliæ item supra pontem, &c. Hodie solent pilis lapideis trabes præfigere, ad excipiendâ omnia quæ temere fert flumen. Quæ uerò ad inferiorem fluminis partem oblique adigebantur, mihi non omnino intelliguntur. Et uide num, Ariete subiectæ, dictum sit,

fit, pro fulcimento. Nunc ad proposita Caesaris uerba ueniamus, quæ in Annotationibus meo quidem iudicio, Iucundus corrumpit, non emendat: ea enim in Caesaris commentario bene habent. Sed distinguendum est post, utraq; quòd uerbum in nominandi casu dictum est, non accusandi: & construitur cum uerbo distinebantur, & insuper dictum quasi de super, ut sit hic sensus: Hæc utraque supple tigna sesquipedalia, paulum ab imo præacuta, &c. distinebatur ab extrema parte binis utrinq; fibulis, insuper bipedalibus trabibus immixtis, quantum eorum tignorū iunctura distabat. Nec uideo quid difficultatis uisum sit Iucundo.

ANNOTAT. IN LIB. IIII.

FINIS.

## IN C. IULII CAESARIS

COMMENTARIORVM,

De bello Gallico librum v. Henr. Glareani annotationes.



ANNVS ab urbe condita hic fuit septingentesimus. Sunt autem in hoc libro, motus Illyrici & Treuironū, Dumnorigis Hedui mors, Caesaris profectio in Britanniam, atq; illic uarie pugnae, Britanniae descriptio, diuisio exercitus in hyberna, Ambiorigis dolus, Sabini & Cottæ legatorum Romanorū mors, oppugnatio Q. Ciceronis legati apud Neruios, Caesaris prælium cum Neruijs, Concilia Gallorum, Induciomari Treuiri mors à Labieno illata.

Magis magnos ibi fluctus fieri, & cætera.

In alijs codicibus legitur, minus magnos ibi fluctus fieri: at

ri, atque ea lectio mihi probatur, propter & præcedentia  
& sequentia de nauium humilitate uerba. Sed uideat le-  
ctor num uerisimile sit æstum maris minuere fluctus, ut in  
Oceano quàm in mari nostro sint minores.

Has omnes actuarias imperat fieri.

Actuariæ naues à celeritate dictæ, quòd facile agi possūt.

In Illyricum proficiscitur,  
quod à Pirustis.

Pirustæ populi in Illyrico, ut ait Cæsar, & meminit  
Strabo libro v 11. Ptolemæus Dalmatiæ ascribit. Verùm  
Dalmatarum, Illyricorum, & Lyburnorum fines ab au-  
toribus non ita certi ponuntur.

Atque omnes ad portum Iccium.

Ptolemæus Iccium promontorium in Morinis ponit, et  
Cæsar priore libro de eodem, ut opinor, portu ait, ex Mo-  
rinis breuissimum esse transitum in Britanniam. Quidam  
etiam opinantur Caletum oppidum, hodie Ditionis An-  
glie, esse hunc portum, & Caletos sub Morinorum fuisse  
imperio. Strabo lib. 1111. ait Iccium portum distare à Bri-  
tannia stadijs 320. quæ facerent milliaria 40. si octona sta-  
dia in mille passus supputabimus.

In syluam Arduennam.

Arduennam syluam Marlianus satis luculenter descri-  
bit: hodie attingit Leucos, & Lothoringiam, comprehen-  
ditq; uastum regnum, uulgò westrich: quòd tamen potius  
ab Occidente (Germanicè Vest) nominatum uidetur. Per-  
tingit ad Lucemburgam, Vbios, Menapios, Nerviōs. Ce-  
terum hodie ingentes Abbatis habet, & arces prædonū.  
Nec est maior hac in tota Gallia sylua.

Quæ in Meldis factæ erant.

Meldæ Meldarum ciuitas est ad Matrōnam flumen,  
decem

decem leucis supra Lutetiam. Episcopū habet proprium, uulgò Meaulx. Quidā tamen Belgis legunt, non Meldis.

Quæ cum annotinis.

Annotinæ naues sunt, quibus annona uehitur.

Ac belli inferendi causa ex Belgio.

Alij codices ex Belgis habent: quod non displicet. quam si Belgio legatur, ad eam formam dixisse uideri potest, ut Liuius Samnium pro Samnitium regione, ita Belgium pro Belgarum regione. Verum pro urbe aliqua in Belgis uidetur paulò inferius accipere, ubi exercitus in hyberna diuiso tres legiones in Belgio constituisse dicitur. Quippe aliæ legiones etiam in Belgis erant, ut quæ in Neruijs, quæ in Rhemis, denique quæ in Morinis. Adijcit Marlianus in Bellouacis esse hoc oppidum. Atque ita uidetur accepisse autor octauī libri huius belli, in exercitus distributione, et ubi Nemetocennæ meminit. Sunt in Britannia Atrebatæ, ut in Belgis, et alij etiam populi Gallicis nominibus.

Insula natura triquetra.

Hec descriptio cum Ptolemaica pictura minimè conuenit, sed satis bene cum nostræ ætatis formulis. Respectum tamen laterum nimis largè usurpauit: quod enim latus Occasui obiectum ait, aliquo pacto ita habet: sed quod Septentrioni obiectum perhibet, id non minus Orienti soli expositum est latus, quàm Septentrioni. Nec triangulum aliter quadrato comparabis.

Omnes uerò se Britanni Glasto.

Glastum herba est plantagini similis: de qua Plin. libro xxi. cap. i.

At illi intermisso spatio.

Ego de intermisso temporis spatio, non loci aut cam-

c pi,

pi, intelligendum puto.

Atque his primis legionum, &c.

Primæ cuiusque legionis cohortes erant maximæ & prævalidæ.

Equestris autem prælij ratio, &c.

Hæc uerba si ad priora comparabis, oppidò obscura sunt. nescias enim de quibusnam loquatur, Romanis ne an hostibus, an de utrisque.

Interim Trinobantes.

Hi apud Ptolemæum, ut existimo, Trinoantes dicuntur. Reliqua hic populorum nomina Gallica existimo kuenman, Sengerer, Ancken lût, Bibrogger, Gasserer.

Concilioq; Gallorum Samarobrinæ.

Samarobrinam Ptolemæus nominat Samarobrigam in Ambianis ad Phrudem fluuium, alij tamen Cameracensem urbem, alij oppidum Diui Quintini in provincia Remensi putant.

Tertiam in Essuos L. Roscio.

Essui qui certò sint, non planè constat. Ceterum Armorici ciuitatibus propinqui ex uerbis Cæsaris intelliguntur paulò post, ubi Roscium oppugnare Armoricæ ciuitates constituerant.

Cùm celeriter nostri arma cepissent,  
& uallum.

Hic locus Vatuca, siue (ut alij legendum censent) Ratuca dicebatur, in medijs Eburonum finibus, ut postea dicetur libro sexto.

Et numero pugnandi pares nostri.

Sequentia indicant multò plures hostium fuisse quàm Romanorum. Ideoq; Lectori examinandum est quod hic Cæsar ait, numero pugnandi pares nostri, num pro numero leg

re legendum forsitan, animo.

Qui superiore anno primum  
pilum duxerat.

Primus Centurio, nunc Primipilus appellatur, inquit  
Liuius lib. VII. ad finem. Prima etiam centuria primus pi-  
lus uocabatur, quo modo Cæsar hic usus uidetur.

Itaque confestim dimissis nuntiis  
ad Centrones.

De horum populorum nominibus nihil aliud constat,  
quàm Neruiorum subditos fuisse. Leuacos autem esse qui  
hodie Louanienses dicuntur, & alludit uulgata appella-  
tio, quæ ait Louen. Centrones quibusdam Sentron.

Quæcunque ad proximæ dici  
oppugnationem.

Quia Galli oppugnabant, Romani defendebant, hæc  
uerba de Gallis dicta uideri poterant: sed secus ostendunt  
sequentia omnia: nisi quis putet aliquid esse historie. Ego  
itaq; omnia de Romanis intelligenda existimo. Nec obstat  
oppugnationis uerbum, quippe ad quam non minus Roma-  
ni se parabant, atq; hostes, ut sequentia indicant.

Magnus muralium pilorum numerus.

Pila muralia erant hastule quibus pro defendendo mu-  
ro utebantur in hostes.

Sagulisq; terram exhaurire.

Sagulum indumentum erat militare: hoc igitur loco,  
quia corbes decerant, terram in sagulis ferebant.

Decem millium passuum in circuitu.

Alibi legitur quindecim millium pedum, qui faciunt  
tria milliaria, si quidem quinos pedes pro passu supputa-  
bimus. Sanè libro secundo Aduaticorum oppidum à Cæ-  
sare circumuallatum narratur, haud dubie longè maius

e 2 oppi

oppidum quàm hoc Ciceronis castellum, ubi tamen quindecim millium passuum haud amplius mentio est. Et libro septimo Alexie illam laboriosissimam latissimamq; circumvallationem Cæsar ait fuisse undecim millium passuum. Quare hic locus meritò suspectus est.

Paululum quidem intermissa.

Hic locus notabilem habet obscuritatem. Nescias enim hostium ne turrim, an Romanorum, flamma contigerit: & si Romanorum, ut uidetur, dubium est quinam deturbati sint lapidibus.

Has ille in iaculo.

Verisimile est Cæsarem tunc Samarobrinx fuisse, Crassum autem in Belgio.

Iubet media nocte legionem.

Vide num legendam sit legiones: duæ enim erant in Belgio, & sequentia eam lectionem exposcunt.

Legionemq; ei attribuit.

Vel duas legiones adduxit Crassus, uel Cæsar antea unã habuit legionẽ. Duabus enim postea uenit in Neruios, connumerata etiam illa, quæ in Morinis fuerat.

Hanc Græcis conscriptam literis.

Libro horum commentariorum primo Cæsar, In castris (inquit) Heluetiorum tabulæ repertæ sunt literis Græcis confectæ, & ad Cæsarem delatæ, &c. Rursus lib. v 1. ubi de Druidum disciplina ac discipulis: Neq; fas esse (inquit) existimant ea literis mādare, cum in reliquis ferè rebus publicis priuatisq; rationibus Græcis literis utātur. Hic uerò epistolam Cæsar Græcis conscriptam literis, per Gallorum exercitum ad Ciceronem mittit, Ne intercepta epistola (inquit) nostra ab hostibus cōsilia cognoscantur. Quidam excusant, quòd Galli literas quidẽ Græcas habuerint, quibus

bus Gallicam, hoc est, suam, non autem Græcam scripserint linguam. Atqui Cæsar hic, non Græca conscriptam lingua ait, sed Græcis literis. Quod aperte cum prioribus duobus locis pugnat. Ad quæ ego, ut liberè quæ sentio dicam, ita respōdeo, Tempore Cæsaris mihi non uideri linguā Græcam apud Gallos in ullo fuisse usu, literis tamē Græcis, quibus Gallicam, non Græcam scriberent linguam, utiq; usos, quemadmodum nunc magna Europæ portio Latinis ad suam quisq; linguam pernotandam utuntur, atq; ita intelligendos, quos iam diximus, locos. Hic uerò prorsus existimo Cæsarem uerbo, literis, usum pro lingua: & Q. Ciceroni non caracteribus tantum Græcis epistolam scripsisse, sed uerbis etiam Græcis compositam. Nam Q. Ciceronem Marci fratrem Græcè scisse, non est mirum, cum ea tempestate omnes, qui quidē alicuius erant existimationis, Græcè nouisse, satis constet. Quod de Massiliensibus obijcitur à quibusdam, nihil probat: post Galliam enim domitam & Romani iam imperij factam, tum demū Galli apud Massilienses Philosophari cœperunt, ut egregiè differit Strabo libro quarto. Hoc uerò tempore ignoti erant Massilienses Gallis, maximè Belgis, apud quos Belgas forsitan, ne literæ quidem Græcæ, secus atque apud Celtas & Massiliæ uicinos, notæ fuerunt.

Tamen Senones (quæ est ciuitas, &c.)

Senones populi supra Parisios ad Sequanam flumen oppidum incolunt, quod hodie Archiepiscopatum habet: Cui suffraganeus est Parisiensis. A quibus fuere isti Senones orti in Cisalpina Gallia, qui duce Brenno Romam incenderunt, anno ab urbe condita CCCLXV.

Quod qui uirtute belli omnibus, &c.

Hoc etiam ad finem Iugurthini belli testatur Sallustius,



Romanos ita habuisse cum omnibus gentibus pro gloria certare, cum Gallis pro salute.

ANNOTAT. IN LIB. V.

FINIS.

## IN C. IVLII CAESA-

RIS COMMENTARIORVM,

De bello Gallico librum v l. Henr. Glareani annotationes.



**H**ic est annus ab urbe condita dccj. coss. Cn. Domitio Caluino, & M. Valerio Messala. Continentur autem in hoc libro hæc ordine, Bellum in Neruijs, Senonibus, Carnutibus & Menapijs per ipsum Cæsarem, & in Treueris per T. Labienum gestum. Deinde ut Cæsar in Germaniam ad Vbios profectus sit. Tum mores Gallorum & Germanorum, Sylæ & bestię in Germania describuntur, & ut Cæsar prosecutus sit Ambiorigem ac Eburones diripuerit. Continentur & oppugnatio præsidij Romani in Ratuca oppido Eburonum, ubi priore anno Sabinus & Cotta hyberna habuerant, quæ quidem oppugnatio facta fuit per Sicambros Germanos.

Duplicatoq; earum cohortium numero.

Tres legiones triginta habebant cohortes. Titurius autem quindecim amiserat: duplicatus igitur hic est amissarum cohortium numerus per tres legiones. Quare nunc decem legionibus pugnat Cæsar.

Adiunctis cisrhenanis.

In littore Gallico Germani occupauerunt multā regionē, ut ex 11. lib. patet, & in Ptolemaica item descriptione.

Conc

## Concilium in Lutetiam Parhisiiorum.

Parhisiꝝ ad confluentem Matrōnæ & Sequanæ urbem habent Lutetiam quatuor millibus passuum sub eodē conflente: quæ hodie eius regionis metropolis est.

Syluam esse ibi infinitæ magnitudinis.

De Baceni sylua non rectè sentit nostra ætas, quæ eam putat esse, quæ hodie uulgò nigra dicitur, ab qua Bacenis plus mille & centum stadiis distat. Id autem quomodo ex ipso Cæsare quis certò deprehendere queat, etiam atque etiam Lectori considerandum est. Et primum quidem Vibiorum situs tempore Cæsaris notandus: quem constat fuisse tum sub Treueris rectà ad Rhenum, in Germania tamē. Deinde rectà ad Orientem & Septentrionem; Sueuos in Germania sedes habuisse, ut antè dictum est. Au autem tempore Cæsaris Rhenum attigerint Sueui, quod Strabo ac Ptolemæus scribunt, uehementer dubito. Certè ex Cæsare satis patet. Bacenis igitur sylua hodie Turingica dicitur, siue Harto Saxonicus: quidam etiam Picariam uocant syluam, quæ tamen Herciniæ sit, uelut ramus aut cornu, ut nostra ætate quidam scripserunt. Cherusci autem ad Albim fluuium sunt. Quidam ad Confluentem Salæ & Albis urbem eos (cuius etiamnum manet nomen Cerbst) habuisse tradunt.

Agriculturæ non student.

Non admodum conuenit hoc cum ijs, quæ ab initio libri quarti de Sueuis scribit Cæsar his uerbis: Sic neq; agricultura, neq; ratio atq; usus belli intermittitur.

Circum Herciniam syluam.

Herciniæ syluæ optimi & maximi quique autores cum Latini, tum Græci meminere. Pomponius Mela, qui eadem ferè cum Cæsare differit. Strabo lib. v 11. aliquantum di-

uersa. Plinius item multis in locis. Eius cum sint haud dubiè latè cornua, & uarij tractus, ipsa tamen intra Germaniam, quod ad Occasum & Meridiem attinet, continetur. Ideoq; Arduënam sylvam, ut illius partem, neutiquam annumerauerim, quod quidam nostra ætate temere, meo quidem iudicio, fecere. Vix etiam Bacenim eius existimem partem. At Bohemiæ sylvas, & quæ inde in Sarmatas inter Orientem ac Septentrionem sequuntur, sanè connumerauerim. Nam & Ptolemæus Marcomannis uicinam statuit Herciniam, etiamsi is, quem Cæsar hic describit, tractum in multas secauerit partes, nempe in Eremum Heluetiorū, Gabretam syluā, Lunæ sylvam ac Orciniam. At Semanam sylvam, Abnobios montes, ac Melibocum nimis remotos puto. Sudetas fortassis admiscro montes. Ex uerbis autem Cæsaris planè patet, quàm latè olim, longeq; patuerit. Caput enim eius est quæ à resina nomen habet, Hartzwald. Hartz enim uocant resinam & Galli & Germani. Nunc uulgò corrupto natiuo uocabulo Schwartzwald appellant, quasi dicas Nigram sylvam. Apud Ammianū, & post eum autores aliquot, sylua Hartiana dicitur (quanquam Hartiana scribi oportebat) quod nomen aliquis sciolus ac Germanicæ Gallicæq; linguæ ignarus, ut Latine quid sonaret, in Martianum temere mutauit: Nisi (quod & ipsum fieri potuit) quis existimet cū Romanis interrogantibus eius syluæ nomen, responsum esset, Hartzwald, relicta uoce wäld, quæ sylvam significat, ad alterum uerbum, quod resinam significat, Romanos animum intendisse, ac Hars pro Hartz scripsisse. Deinde, uelut in ipsorū quoq; lingua aliquid tinniret, uel literarū M, ac H, uicinitate ex Hars factum esse Mars, ac inde Martianum pro Hartzianum increbuisse apud indoctos. Illud opinor nemini dubiū,  
nomen

nomen esse Germanicum, Gallicumq; non Romanū. Ideoq; ego ubiq; apud Ammianum, ceterosq; qui eius memnerunt, Hartzianam legendum existimo, non Martianam. Huius autem Hartianæ sylvæ partem existimo, ut iam diximus, Heluetiorum Eremum à Rheno ad Nicrum usque amnem. Cornelius autē Tacitus, Inter Herciniam (inquit) syluam Rhenumq; & Mœnim amnes Heluetij, ulteriora Boij, Gallica utraq; gens, tenuere. Quæ uerba si ad amussim discussis, inuenies Cornelio, neque regionem, ubi hodie Vircenbergenensis ducatus est, neq; quæ ad Danubij ortum est, inter Heluetios & Nicrum amnem, satis notam fuisse. Nam Heluetios omnia inter Rhenum ac Mœnim amnes tenuisse, mihi non fit uerisimile, sed à Rheno ad Nicrum amnem, quæ hodie non prænitēda est natio. id enim uero satis uerisimile fuerit. Verum, ut Lectorē magis excitem, quis hæc Taciti uerba intelliget? Inter Herciniam syluam, Rhenumq; & Mœnim amnes: Cum totum spatium inter Rhenum & Mœnim occupet Hercinia sylua secundum Cæsaris descriptionem, cui nō paulò plus quam Cornelio fidei tribuo. Nisi intelligamus, quæ hodie nigra sylua dicitur secundum Rhenum, eam solam à Cornelio dici Herciniam. Sic enim inter eam, Rhenumq; & Mœnim amnes natio immensa intelligeretur, ipsa Heluetiorum etiā regione longè maior. Contineret enim quicquid terræ est inter Scaphusiam, Noricam urbem, Erebiopolim ac Heidelbergam. Verum neq; Herciniam ita à Cornelio accipi puto, neque unquam Heluetios tantum terræ possedisse. Nisi quis obijciat tempore illo omnia uasta fuisse à Rheno, urbem usq; Noricam, itaque Heluetios uerè Eremum possedisse, ac deinde Boios ulteriora eiusdem loci occupauisse, ubi hodie Boëmia est. Lector quod uolet sequatur.

Ego planè in ea sum opinione, Romanos scriptores in omnibus hisce locis describendis sæpe uulgi famam secutos, ac incomperta pro compertis, quemadmodum de remotissimis regionibus temere mentiendo fieri solet, tradidisse. Vt quid enim Cornelius nec lacus Acronij, nec Cataraëtarum Rheni meminit, nisi quia non nouit? Certè ipse Tacitus, quantumuis tacitus, imò loquacissimus autor, ut cum Tertullianus uocat, haudquaquam taciturus fuerat, ut mea fert opinio, si ea comperta habuisset. Idem ille quàm frigide Rheni, quàm frigide Danubij fontes, quàm deinde longè frigidius ipsorum fluuiorum tractus describit, quod luculentum argumentum est, ea illi neutiquam fuisse nota. Eremum igitur Heluetiorum, quicquid dicat Tacitus, inter Rhenum ac Nicrum amnes fuisse puto. Sed hæc de Eremo Heluetiorum ac sylua Hartziana. Scio quosdam esse, qui sedium mutationes apud Cornelium ita intelligerent, quasi Galli prorsus relicta sua terra sedes mutauerint. Sed hi uerbis Cesaris, quibus Cornelius innitur, facile conuincuntur. Cesar enim ubi de hac quàm Cornelius hic repetit, habitationum mutatione differit, ait, Virtute Gallorum factum, ut trans Rhenum Colonias mitterent, ac continuò Volcarum Tectosagum exemplum subiungit. Vnde Cornelius simile exemplum adducturas, Heluetios ac Boios idem fecisse commemorat. Quis enim crederet Heluetios sua ( quæ, ut autor est Cesar, melior erat) relicta terra, in uastitatem illam ac ingentem solitudinem totos migrare uoluisse? At Colonias duxisse satis uerisimile fuerit: sicut contrà & prioribus & posterioribus seculis Germanos in Gallias quoque duxisse constat. Hercinia Romanis aspiratur, sic apud Græcos in emendatioribus saltem codicibus, & sanè Germanicus Gallicusq; sermo

mo aspirationem postulat. Eratosthenes quartam uocalem Orcyniam prima syllaba notasse uidetur. Quod in Strabone per secundam, ut Latinis, scriptum reperias. At Gallorum Germanorumq; lingua per primam uocalem hartz uocat Resinam, nisi quod Germanorum quidam crassius Hortz, per quartam Latinorum uocalem. unde Eratosthenes Orcyniam fortassis mutuauit. At Hertz per secundam uocalē Gallis Germanisq; cor significat. Qui ergo Hartzianam syluam scripserunt, melius Germanicam linguam expresserunt, quàm qui Herciniam. Græcis quidem ac Latinis parum curæ fuit nostra lingua, quam illi, maximè tamen Romani (adeò Gallorum uirtutem oderant) quasi data opera opprimere conati sunt. Quorum enim quodq; nomen uel urbis, uel fluuij, uel populorum etiam, quod uerè Germanicū Gallicum uel dicere queas, apud Geographos reperias? Cui autem dubium Germanicis, Gallicisq; locis, Germanica Gallicaq; fuisse nomina? Plinius ingens antiquitatis amator, mirè Gallicam linguam suspexisse uidetur: nempe qua olim maior Occidētis pars locuta est, præterea tota Gallia Cisalpina, in qua ipse natus erat. Sed dii boni quàm corruptè apud eum leguntur nomina, ut aut Delio natatore, aut Oedipo aliquo coniectore sæpe opus fuerit, qui ea expiscari uolet. Multa tamen et apud hunc, et apud alios autores Tschudus noster hac ætate feliciter eruit: et erunt, ut spero, post nos idem molientes, ut quod reliquum adhuc eius linguæ apud Heluetios, aliosq; Rhæni quosdā accolas, uerè Gallicæ, uerè antiquæ, suam apud homines existimationem ac maiestatem recuperet: cum hoc die trium nationum Italiæ, Hispaniæ, ac Franciæ lingua, sit fragmentum Latine linguæ, sed tantò pluris, quanto magis integritati Latine linguæ appropinquat. Qua in

re Italica hodie Francicæ præfertur. Sed de hoc negotio obiter hic. Illud apud me nondum certum, quàm probem illud y in Hercynia, quod multi per i scribunt. Magis etiã hoc mirandum apud Senecam in Medæa eam syllabam productè legi: in hoc Senario:

Lucis Sueui nobiles Hercineis.

Apud Claudianum uerò insignem poetam, correptè, quem ferme ab aliquot seculis nunc imitantur:

—Sublimis in arcton

Prominet Hercyniæ confinis Rhetia sylvæ,

Quæ se Danubij iactat, Rheniq; parentem.

Hoc etiam in uerbis Cæsaris notatu dignum, pro Nemetum Althamero legendum, uideri Venetum, ut intelligantur Veneti ad Lacum, inferiorem Acronio, quem hodie Cellensem nominant, uiginti millibus passuum plus minus, supra maiorem Rheni Cataracten. Nomen est apud Melam, ut supra de Rheno retulimus. At lector cogitet, num putet nomē Veneti Lacus notum fuisse Cæsari. Mihi quidem non uedetur, maximè ea de causa, quòd Acronij lacus, longè maioris quàm Veneti, nō meminerit. Vnde quidam fuere, qui Rhetorum pro Nemetum legendum existimarint. Sed ne id quidem nominis Cæsari notum fuisse putat Tschudus, cum nusquam ipse Rhetorum meminerit oblata toties nominandi occasione, maximè lib. 1111. ubi Rheni ortum describens, populos commemorat, per quorum fincis Rhenus labatur, ibi in eius supremo Lepontios collocat, deinde Nantuates, per quos forsitan Rhetos intellexit. Nam continuo Heluetios subiungit. Nisi quis eo in loco, ut diximus, Aetuatium legere pro Nantuatum uelit. Quòd si concesserimus, certè id nominis etiam hic ponendum censeo. De Danubio, quando eum alij diligenter descri

descripserunt ut ex nauigatione mea didici, hoc unum an-  
 notare dignum est uisum operæ pretium. Non temere esse,  
 quod ueteres autores de monte Arnoba scripserunt, et  
 mihi uehementer suspectum fontem illum quem hodie in ui-  
 co Duneschingen ostendunt, cum duo alia sint flumina  
 multò altiora origine, illo quidem quem ostendunt fonte.  
 Cæterum unde in hanc uenerim cogitationem, non gra-  
 uabor dicere. Cum olim Basileæ publicè Herodotum au-  
 ditoribus meis prælegerē, admodum admiratus, cur is non  
 uno in loco diceret apud Celtas oriri Danubium (Istrum  
 ipse nominat) magisq; adeò Aristotelem, qui in Meteoris  
 ex Pyrenæo monte cum labi memoriæ tradidisset, ex quo  
 Herodotus urbem faceret: Ad hæc, quòd Plinius Solinusq;  
 Arnobam uocarent eum montem: Denique quòd id nomen  
 in Cornelij codicibus toties uariaturn reperias. In quibus-  
 dam enim Arbonum, in alijs Abnouum legitur. Cæpi ego  
 anxius mecum altiora eade re cogitare. Succurrebat pri-  
 mum quòd Strabo lib. 1. ex Epharo tradit, totum Occiden-  
 tem olim Gallie appellationem habuisse. Gallos autè esse,  
 qui ipsorum lingua Celtae appellantur, ut initio horum  
 commentariorum Cæsar testatur. Ideoq; Herodoti de Cel-  
 tis opinionem non esse prorsus friuolam, facile uidebam.  
 Confinium enim ibidem est Germaniæ ac Celtarum. Stra-  
 bo lib. v 11. uocat extremas Germaniæ ab Occasu par-  
 teis, ἀρχεται μὲν οὖν (inquit de Istro loquens) ἀπὸ τῶν  
 Γερμανικῶν ἀκρῶν τῶν ἑσπερίων. Et etiamnum eius re-  
 gionis lingua mixta est ex Celtica ac Germanica. Nec du-  
 bito Heluetiorum nemore totum eum tractum contineri,  
 quem tēpore Strabonis aliqua ex parte Sueui occuparint.  
 Libro enim 1111. idem autor, postquàm iugum, ex quo  
 Ister originem trahit, descripisset, continuo subiungit:

ἐπὶ τοῦ



ὅπου αἱ τοῦ Ἰσθμοῦ πηγαὶ πλησίον Σουμβωρ, καὶ τοῦ Ἐρκυνίου Ἀρουμεῶν: id est, ubi Danubij fontes sunt prope Sucuos, & Herciniam syluam. Aristotelis autem opinionem de Pyrene monte, ne eam quidem absurdā probant uocabula, quæ etiamnum manent altioribus eo, quem hodie ostendunt, fonte. Brygem alterum uulgus appellat, alterum Bregen, Regionem Por. Et est altitudo non magnorum montium (Strabo uocat ῥᾶχις μετρίως ὑψηλῆς: id est, iugum mediocriter excelsum) ubi hodie oriuntur duo hæc, quæ dixi, flumina. Ecquis unquam fontem uocarit inferiorem, ac non superiorem potius? Quare ego iusta de causa moueor, ut uel Brygen, uel Bregen Danubij fontes credam, & fortassis duos, ut Rheni. Sed si Deus mihi concedet tantum aliquando otij, quando tam propè habito, tentabo ipse locum uidere, ac certiora lectori ea de re indicare. Interea lector hoc uelut arrabone quietus, uel mecum dubitet, uel quod malim, meliora ipse dispiciat.

Volgæ Tectosages occuparunt.

Volcæ apud autores duplices inueniuntur, Arecomici & Tectosages. Sed in his nominibus, V & K, uarie leguntur. Nam apud alios Volcas Tectosages, apud alios Volgas Tectosages reperiās. Ego utrunq; nomen Gallicæ lingue existimo, quæ populum Volck nominat: & Tectosages Deckdensack. Ita Arecomicos Haerkommen, quasi dicerēs aduentitios siue inquilinos. Meminit horum Plinius lib. 111. de Narbonensi Gallia, & Strabo in 1111. Arecomicorum autem septimo libro postea mentio habebitur.

Gallis autem propinquitas.

Legendum uidetur: Gallis autem Prouinciæ propinquitas, & transmarinarum rerum notitia, &c. ut intelligamus

mus prouinciā Romanorum, de qua ab initio primi libri, ubi de Belgis.

Latitudo nouem dierum.

Latitudo hæc nouē dierum sumi uidetur à Meridie ad Septentrionē, hoc est, à Rheni Cataracte maiore, ad Moenum usque amnem. Longitudo uerò secundum Danubium intelligitur, sexaginta, aut multò plus dierum itinere.

Et Anartium.

Anartios Ptolemæus maximè Septentrionales Daciæ facit iuxta Carpaten montem, & Teuriscos, quod maximè consentaneum est uerbis Caesaris. Illinc enim sinistrorsum uertitur Hercinia sylua. Porro mons Carpatæ Sarmatiā à Dacis summuet, quem perperam Carpathum uulgò uocamus: cum Carpathus sit insula inter Rhodum & Cretam: unde Carpathium mare nomen habet. Quanquam haud scio, num quisquā alius Geographorum præter Ptolemæum huius Carpatæ montis meminerit. Conradus Celtis Carpathum media producta syllaba uocat, fortassis ad insule differentiam: quod non fuit necesse, si quidē Græca exēplaria inspexisset. Vbi δ̄ Καρπάτιος τοῦ Καρπάτιος pro monte. Pro insula uerò ἡ Κάραβος & τῆς Καρπάτιος.

Ad fines Dacorum.

Daci populi Danubij, propinqui Sarmatis, Iazygibus Metanastis, & Mysijs, olim maximè feri, & Romanorum hostes.

Millibusq; amplius quingentis.

Priore libro Caesar ait, ex Eburonibus in Morinos esse nullia passuum centum: atqui idipsum hoc spatium ex Eburonibus in Morinos multò longius est, quàm sit Arduenæ longitudo, uidelicet ex Treueris in Nerviōs. Quo pacto igitur Arduenna nullibus passuum amplius quingentis in long

longitudinem patet? nisi longitudinem pro circuitu exponas: quod haud scio an quisquam ausus sit facere.

li in insulis sese occultaue-

runt.

Videtur hoc de Selandis dicere, quæ insule sunt hodie inter Flandriam & Brabantiam in mari Germanico.

Segni, Condrusiq.

Hic locus quibusdam doctis uiris corruptus uidetur, inter quos eximius uir D. Lambertus Paschalis, sacri ordinis Carthusiani, Prior domus ad Confluentem Mosellæ ac Rheni. Legni, inquit, gens intra fines Menapiorum, cuius & Tacitus & Ptolemæus meminerunt. Manet hodie genti nomen, & oppido Lynn uel Lenck: in qua gente olim oppidum insigne cladibus Romanorum, dictum Gelduba, cuius adhuc uestigia manent. Hæc ille. Quidam Glatpach hodie dici existimant. Idem Lambertus, paulò post non Vatucam, sed Ratucam legendum putat, uulgò Rade, oppidulum in finibus Eburonum, haud procul ab Aquisgrano & Iuliaco. Hæc ille. At quod ad Legnis pro Segnis legendum ex Ptolemæo adducit testimonium, nescio quàm probem. Nam in Belgicæ Galliæ descriptione, quæ D. Lambertus uerba ita legit: Legnorum Luppia, postea Agrippinensis: Græcus codex ita habet: Λεγίων ἢ ὀυλπία. quòd Bilibaldus uertit, Legio tricesima ulpia. Nisi fortè quis hoc quoque in Ptolemæo corruptum à Græcis existimet.

Ascaldem quod influit in  
Mosam.

Hinc undecim legiones numerantur, & duæ cohortes (Siquidem adhuc duodecim cohortes ad pontis sunt defensionem: nisi quis, quæ paulò post dicturus est, de pontis custod

*custodia, ea de longè antè præterito tempore dici intelligat) cùm suprà decem duntaxat sit mentio legionum. Et uide quàm uerum hoc sit Ascaldem influere Mosam, neque enim nostra ætate ex tabulis hoc uidere licet Geographis.*

ANNO. IN LIB. VI.

FINIS.

## IN C. IULII CAESARIS

COMMENTARIORVM

de bello Gallico librum VII. Glareani

annotationes.



**I**N septimo libro, septimi anni continetur historia belli Gallici, qui fuit annus DCC. 11. ab urbe condita, Cn. Pompeio Cos. solo, in quo libro hæc habentur ordine.

Motus Galliarum à Carnutenſium audacia ortus, Vercingetorigis ambitio & ſtudio recuperandæ libertatis, qui ſtatim Bituriges, Aruernos alioſq; populos concitat. Caſar legiones magna induſtria omnes cogit. Vercingetorix Boiorum oppidum oppugnare inſtituit. Caſar cùm illis auxilio eſſe uellet, Vellaunodunum, Genabum, & Nouiodunum oppida in itinere expugnat, deſiſtit Vercingetorix ab oppugnatione Boiorum, perſuadet Biturigibus, ut omnia, quæ munita non ſint oppida, ſuccendant, quò Caſarem pabulatione intercludant. Caſar Auaricum oppidum cepit, in Heduis ſeditionem ſedat, cum Labieno copias partitiſ, Gergobiam obſedit, interim Hedui fraude Conuiſtolitanis Litauiſq; deſcendiunt à Romanis, Caſar apud Gergobiam militum audacia malè pugnât. Viridomari & Eporedorigis Heduo-

f rum

mus. Præterea nonnunquam coniunctim, nonnunquã distinctim, magna codicum uariatione ponuntur.

Lemouices.

Lemouices Ptolemæus uicinos facit Rhedonibus, Cadurcis & Pictonibus. Sed post secundam syllabam quidam codices u ponunt, quidam n, atque inde putati sunt duo populi, quos ego unum fuisse existimo.

Andos.

Andes tertia declinatione ad finem libri secundi usurpauit Cæsar, & Hircius lib. v 111. genitiuum pluralem Andium protulit, ideoq; hoc in loco Andes legendum putato, non Andos.

In Ruthenos mittit.

Dictum est superius quosdam duplices facere Ruthenos, prouinciales, & non prouinciales. Hic itaq; de prouincialibus loqui uidetur.

Ipse in Bituriges.

Bituriges Ptolemæus duplices facit: Vbiscos, quos ad mare ponit, uicinos ostijs Garumnæ fluuij: Occubos, quorum oppidum Auricum ponit, quod Cæsar cepit, miserimeq; diripuit. De posterioribus hic intelligimus, uulgò Burges: nam Vbiscos hodie Bordeaulx uocant.

Progressus in Nitiobriges.

Nitiobriges populi Narbonensis Galliæ apud Ptolemæum, uicini Ruthenis, hodie montem Pessulanum uocant, uulgò Montpellier. De Cabalis nihil certi asserimus, quàm Nitiobrigibus fuisse uicinos. Cæsar postea ait, sub clientela Aruernorum fuisse.

Præsidia in Ruthenis, prouincialibus.

Hoc in loco coniungenda uidentur bina nomina Ru-

f 2 thenis

thenis prouincialibus, & Volcis Arrecomicis. Nam utriq; duplices sunt, ut in superioribus dictum est, & in sequentibus suis locis plura dicentur.

In Heluios, qui fines.

Heluij qui sint, Cæsaris uerba satis declarant. Meminit & Plinius lib. 111. cap. 1111. Albe Heluiorum: Vt rectè Marlianus existimarit hodie Albinam dici.

Et si mons Gebenna.

Gebenna qui mons sit, non minus clarum est. Ceterum ingens error est, de quo libro primo admonuimus, qui Genèuam hodie Gebennas uocant: cum hæc urbs sit inter Allobrogas & Heluetios. Mons autem Gebenna inter Aruernos & Heluios, longissimo ab Genèua tractu. Meminit eius etiam Plinius libro 111. cap. 1111. Videtur autem hic mons admodum longus fuisse ab Occasu in Ortum, cum Cæsar (ut postea in hoc adeò libro) inter Elauercm & Ligerim amnes conclusus dicat, iter in Prouinciam monte Gebenna impediri.

Altero die cum ad oppidum Senonum Vellaunodunum.

Vellaunodunum Senonum oppidum est. qui autem Villam nouam Lothoringiæ intelligunt, uehementer errant. Neq; enim uspiam Lothoringia hoc Cæsaris iter attingit. Nam ab Agendico altero die eò uenit Cæsar, & rursus ab eo biduo cum legionibus Genabum. Quanquã haud scio, num proximo itinere.

In uia Nouiodunum oppugnare.

Nouiodunum trium oppidorum nomen, in Sueßionibus, ut libro 11. in Biturigibus, ut hic, in Heduis, ut postea in hoc lib. Ceterum hoc loco necesse est Nouiodunum esse eo itinere, quo ab Aurelia itur in Bituriges.

Fratrem

Fratrem à fratre renuntiatum.

Renuntiari, id est, publicè nuncupari, & audibili uoce præconis proclamari, qui in magistratu succedat.

Secundum flumen Elauer duxit.

Secundum fluuium Elauerem duxit exercitum, propterea quòd eum superare non poterat. Est autem fluuius in Aruernis hodie, Alier, non longe à Gergobia, quod oppidum hodie putant Claremontensem nominari. Caesar in accessu quintis castris ab Elauere uenit Gergobiam, in discessu uerò ad idem flumen ab eodem oppido triduo peruenit, non igitur est Gergobia ad Elauerem, ut putauit Marlianus.

Melodunum peruenit.

Melodunum oppidum est decem leucas supra Lutetiam, in tria parua oppidula diuisum, quemadmodum ipsa urbs Parisiensis nostra etate. Quod si Agendicum est inter Sequanam & Matrõnam, ut indicat Marlianus, quod Prouins hodie appellari putat, uix expeditus in utra parte primũ aggressus sit Lutetiã Labienus, à Belgarum ne regione an Celtarum. In utraq; enim parte flumen transendum erat, hanc Sequana, hanc Matrõna, ut semper ab impedimentis legiones flumine separari necesse esset. Item hoc quoque dubium, in utra Lutetiæ parte fuerint paludes, in eã ne, ubi hodie uniuersitas, an ubi maior urbs. Sed hæc studiosis examinanda relinquimus.

Bellouaci autem defectione.

Erant enim Bellouaci in fide Heduorum omni tempore, ut ait Caesar libro 11.

Namq; altera ex parte Bellouaci.

Hic locus propemodum conuincit Labienum in Belgarum littore tunc fuisse, ubi Bellouaci instabant: Camu-

est, ubi de Viridomaro.

Circuitus XI. millia passuum.

Postea dicturus est, quatuordecim millia passuum. Quare uel codices errant, uel postea maius spatium complexus est. Quidam aliter hunc nodum expediunt, Caesarem superius munitionem aduersus oppidanos ostendisse, hic uero aduersus exteriores hostes, quos prope diem uenturos sciebat. Necesse autem esse exteriorem circulum interiore maiorem intelligi. Quod si uerum est, oportebit uerba illa Caesaris, quae postea ponit (His rebus perfectis, regiones secutus, quam potuit equissimas pro loci natura x i i i i. millia passuum complexus) referre ad sequentia uerba (pares eiusdem generis munitiones, & c.) Quanquam dure sonat, quod subnequit, diuersas ab his, pro, ab illis. Sed lector iudicet, res non est magni admodum momenti.

Fossam pedum uiginti latam,  
directis, &c.

In genere munitionum Iucundus uerba Caesaris partim non intellexit, partim illis aliquid de suo addidit. Duas fossas (inquit Caesar) quinos denos pedes latas, eadem altitudine perduxit. Hoc Iucundus ita accipit, quasi utraq; quindecim pedes etiam alta fuerit. At ego puto Caesarem dicere, fossas duas quinos denos pedes latas fuisse, & eadem quidem altitudine inter se: ceterum quanto pedum numero, hoc eum non dicere, sicut nec primae fossae altitudinem expressit: etiam si Iucundus postea id quoq; adiecerit, non Caesaris, sed suis uerbis. De ramis autem cipporum adiectiuum, abscissis, omittit, non absq; sensus iniuria. Neq; enim permanebant rami infirmi, sed firmi manebant, infirmi abscindebantur. De lilijs uero haec Ca-

f 4 saris



saris uerba, non paruum habent difficultatem. Simul confirmandi ( inquit ) & stabiliendi causa singuli ab infimo solum pedes terra exulcabantur. In uetustiore codice legabatur, Singuli ab infimo solum pedes tres terra exulcabantur. Sed terni pedes scrobium ( ut Cæsar ait ) sub terra erant, è quibus intelligo, singulos tum pro stabiliendis stipitibus completos, tum post immixtos stipites conculcatos terra, ita ut relinquerentur adhuc bini pedes pro longitudine tibiæ ad uulnerandum corpus acie stipitis. Ergo singuli pedes construendum. Quidam ternos pedes scrobium relictos existimant, ac præterea tercetes stipites infimo solum fixos, ut incidentes, inguina ac podices læderent. quod Cæsaris uerbis, quæ post sequitur, conforme est. Ait enim de Gallis, Aut in scrobes delapsi transfodiebantur.

Ante hos obliquis ordinibus in Quincuncem dispositis.


Quincuncialis ordo unde dictus sit multi eximij uiri nostra ætate anxie inquisuerunt, de quorum numero Guilielmus Budæus est, idem libro primo de Asse dubitans, neque ego id certò assero, uerum opinione mea liberè pronuntiata, Lectori iudicium relinquo. Quincuncialem igitur ordinem puto dictum, quasi quinpunctialem à quinque punctis. Cæterum quod hæc uox difficilis prolatus esset, & nonnihil inepti sono referens, atque adeò ingratum auribus, deflexit Romani eloquij consuetudo in id quod proximum alioqui, & in usu frequenti erat, Quincuncialis pro Quinpunctialis appellans. Est igitur Quincuncialis ordo, qui in quouis quadrato centro ipsius quatuor angulorum punctis comparat. aspectu enim sic sunt quinque hoc modo, ∴∴

Quod

Quòd si plura quadrata connecti intelligamus, emerget totius iugeri forma sub ordine & aspectu Quinpuntiali ( ut ita loquamur ) ad hanc formam.



Paucis itaq; his uerbis & quid sit Quincuncialis ordo, & cur ita dictus, puto Lectori perspicuū. Nam ex



Ciceronis, Quintiliani, atq; aliorum autorum uerbis, quæ Budeus adducit, neutrum ita lucidè expedit, ut Lector non uehementer hæreat.

Imperant Heduis atq; eorum Clientibus.

Vix est alius totis hisce cōmentarijs locus, æquè atq; hic deprauatus, nemine à multis annis de hoc numero curante, quo pacto partes summæ responderent. Itaq; & anxia cura, & summa adhibita diligentia, inspectis exemplaribus, eum magna ex parte restituisse cōfidimus. Quāquam in populorū nominibus aliquot hæremus, nec absq; causa iudicium nostrum Lectori committimus. Notandum itaq; est Cæsarem oppidò pulchra ratione hanc descriptionem instituisse, nempe ut potētissimos quosq; populos primū enumeraret, deinde minus potētes pōst poneret. Quo ordine Hedui ac Aruerni iure præcedunt: quippe quibus & lata regio, & magnæ erant cliētelæ, ideoq; & maximū ijs dedit numerum, uidelicet tricenaquina millia, quæ summa crescit in septuaginta millia. Sequuntur deinde populi minores sex, Senones, Sequani, Bituriges, Santones, Ruteni, Carnutes, quibus duodena tribuit millia, non uiginti-

duo millia, ut falso habent corrupti codices. Summa igitur horum populorum excrescit in septuaginta duo millia. Bellouaci decē millia dare iussi, duo miserunt, ratio paulō post à Cesare redditur. Lemouices decem millia miserunt. Octona millia, quatuor duntaxat populi Pictones, Turo-  
ni, Parisij, ac Heluetij. Nam hic distinguendum est colo-  
quod coniunctio, & ter posita satis indicat. Summa Tri-  
ginta duo millia. Porro deinde nouus sensus inchoandus  
à Successionibus (ita enim legendum est, non Scenonibus,  
quandoquidem hi iam numerati sunt) Ambianis, Me-  
diomatricis, Petrocorijs, Neruijs, Morinis, Nitiobri-  
gibus, quibus quina millia imperata sunt, sicut & Au-  
lercis Cœnomannis, quos ideo seorsum numerat, ne ui-  
derentur duo populi, cum sit unus. Summa octo horum  
populorum quadraginta millia. Atrebatibus imperata  
quatuor millia. Terna autem millia, tribus populis Bel-  
locassis, Lexobijs, ac Aulercis Eburonibus. Est enim &  
hic unus, non duo populi. Vides ut ab duodenis millibus  
deuentum sit ad terna millia. Boijs igitur ac Rauracis ex  
hactenus seruato descriptionis ordine minor numerus cō-  
petet, ut ciuitatibus duabus perexiguīs, bello etiam ante  
sexenniū Heluetico attritis. Præterea Boijs, ut exulibus,  
ab Heduis receptis, quēadmodū libro primo narrauit Cæ-  
sar. Bina igitur ijs millia attribuenda, non triginta millia,  
ut pessimē omnes errant codices. Postremò Armoricæ ciui-  
tates pro portione minimū dederunt numerū, ut pote lon-  
gius ab Heduis distantes, quod de Treuiris quoq; superius  
cixit Cæsar. Itaq; his neutiquam distributiū nomen dan-  
dum, sed sex millia in uniuersum illis imperata intelligen-  
dum. Sed age nunc si libet, omnium summam colligamus pri-  
mis illis numeralibus, citra distributionem, & notis item  
nume

numerorū characteribus. Heduarum ac Aruernorū pone  
 70000. Octo deinde populorum 72000. His adde Bello-  
 nacorum 2000. Lemouicū 10000. Rursus 4. populorum  
 32000. Et octo populorum 40000. Atrebatium 4000.  
 Trium populorū 9000. Duorum 4000. Postremò Armo-  
 ricarum ciuitatum 6000. Et emerget summa omnium  
 249000. Caesar 8000. equitum ponit, peditū 240000.  
 rotundo magis numero quàm iusto. debebat enim ponere  
 peditū 240000. Sed pro uno milliario libuit dicere circi-  
 ter. Quapropter si ita, quēadmodū recensuimus, legātur,  
 et ordo Caesaris descriptionis, quē maximū quēq; nume-  
 rum primo quōq; loco ponit, seruabitur, et equites in nu-  
 merū generalē illum, summā omnīū, uenient. Deniq; illud,  
 quod circiter Caesar dixit, explicabitur, cū unus dūtaxat  
 millenarius in summa omittatur. Non existimo difficile  
 post tam exactam omnīū numerorū supputationem, uel pa-  
 rum etiā exercitatis in arithmeticis, uidere, si sex post He-  
 duos ac Aruernos populis demus 22000. ut uulgò codi-  
 ces habent, Rauracis ac Boijs 30000. Deniq; Armorici  
 ciuitatibus sena millia, id est, 42000. quantū is numerus su-  
 peraturus fuerit Caesaris summā. Rursus si Rauracorum  
 fortassis ac Boiorū ad nostrā summam, diminuemus, quan-  
 tum defecturus ab eadē Caesaris summa. Quapropter non  
 magnopere diffidimus apud optimos quosq; Lectores, po-  
 steaquā hanc nostram diligentīā penitus introspexerint,  
 calculum huic nostrae opinioni addituros. Obiter etiam  
 hoc Latinae linguae studiosis considerandum, quā Latī-  
 nē ac propriē Caesar distributiuis, ubi debuit, tota hac po-  
 pulorum nomenclatura utatur. De Heduis uno populo tri-  
 gintaquinque millia, inquit, non tricena quina. De Aruer-  
 nis parem numerum, de sex continuo sequentibus populis  
 duode

duodena, non duodecim, ut singulis duodecim millia imperata intelligamus. Rursus de Bellouacis decem millia, totidem de Lemouicibus, Octona inde de quatuor populis, Quina de septem, totidem de uno. Et rursus de Atrebatibus, uno etiam populo, quatuor millia, continuo de tribus terna, de duobus bina, de uniuersis Armoricas ciuitatibus non sena quæ immensa summa futura erat, sed sex protulit. Nunc de populorum nominibus paucula subnotanda uidentur. In Heduiorum clientibus pro Ambruaretis quod alibi Ambulartis legitur, uide num legendum sit Ambarri, qui Heduiorum necessarii ac cōsanguinei lib. 1. dicuntur. Aulerci autem ibidem uocabulum mihi prorsus suspectum. Triplices enim sunt Aulerci, ut suprà habitum est, nec ullū hīc additur cognomen, cū alteri Cœnomāni, alteri Eburones paulò post nominentur, & Diablintres inter Armoricas ciuitates facīle numerari queant. In Aruernorum cliētibus Helueteris, non Heluetis legendum Celtica lingua Hellhüter, ut Heluctij Helluetter, quasi à Dite prognati, ut præcedēte lib. refert Cæsar. De Sueſionibus paulò antè admonuimus: nec obstat uel quòd lib. 8. Remi dicāt ad Cæsarem, Sueſiones optimè de Rep. meritos. Nam hæc propè totius Gallie insania erat, uel quòd ipsorū Remorū cliētes erant, cū Carnutes eorundē clientes hīc adfuerint. Porro Bellocasi Celtarū est populus, Verocasses autem Belgarum. Sed declinatio mīrè uaria apud autores legitur. Inter Armoricas ciuitates tria nomina mihi suspecta. Ambibarij, Cadetes, & Lemouices. Confer populorum, quæ Armoricarum ciuitatum sunt, nomina lib. 2. ad finem, & tertio de bello Veneto, si fortè pro Ambibarijs Ambiliates legendum, & pro Cadetibus Nannetes, pro Lemouicibus Diablintres. Lemouices enim  
antea

antea numerati sunt : quanquàm codex Albinus prius nomen per u consonantem scribit, hoc per n, quo autore, comminisci non potui, mihi sanè non probatur. Scio apud Ptolemæum Gallecos siue Galletos in extremo Septentrionali latere Lugdunensis Gallia numerari, si fortassis quis eos Cadetes à Cæsare nominari contendat. Galletos certè Plinius nominat cum Lexobijs, cap. 18. lib. primo. Et in Ptolemæi Græco codice καλῆται legitur. Vix me expe-  
dio, minusq; desinio quid potissimum hac in re sequendum Lector iudicet. Sed age nūc, cum adiuuāda memoriæ gra-  
tia, tum ut in posterum minus locus corrumpi queat, to-  
tius descriptionis huiusmodi typum adscribamus.

70000	{	Hedui 35000. cum suis clientibus, quos hoc lo- co ponit Cæsar,	Segusianis.
			Ambruaetis.
			Aulercis.
			Brannouicibus.
			Brannouijs.
71000	{	Aruerni 35000. cum suis item clientibus,	Heleuteris.
			Cadurcis.
			Gaballis.
			Vellaunis, quos alij Velaunos uocant.
72000	{	Senones 12000.	
		Sequani 12000.	
		Bituriges 12000.	
		Santones 12000.	
		Rutheni 12000.	
	{	Carnutes 12000.	
Bellouaci 2000. Decem milia his imperata erant, sed duo duntaxat miserunt.			
Lemouices 10000.			

32000 { Pictones 8000  
 Turoni 8000  
 Parisij 8000  
 Heluetij 8000 } *Quatuor hi populi neutiquā cum sequentibus sunt coniungendi.*

20000 { Suefiones 5000 *Senones antea numerati sunt: hic igitur Suefiones legendum.*  
 Ambiani 5000  
 Mediomatrici 5000  
 Petrocorij 5000  
 40000 { Neruij 5000  
 Morini 5000  
 Nitiobriges 5000  
 Aulerci Cænomanni 5000 *Aulerci Cænomanni, unus populus, non duo: sicut paulò post Aulerci Eburones.*

Atrebates 4000

9000 { Bellocassēs 3000  
 Lexobij 3000  
 Aulerci Eburones 3000

4000 { Rauraci 2000 *Paruæ hæ erant ciuitates, et nuper bello Heluetico attritæ. Ineptè igitur his 30000 codices quidā attribuunt:*  
 Boij 200

6000 { Curiosolites  
 Rhedones  
 Ambibarij  
 Cadetes  
 Osifsini  
 Lemouices  
 Vnelli

Summa omnium 249000.

A ca

A' castris longurios, mu-  
sculos, falces.

Musculus propemodum ut uinea instrumentum est ad  
subeundas munitiones, minus quidē uineis, sed firmitus. cæ-  
terum pro (à castris) quod hic nihil ad sensum facit, puto  
legendū Rastros. Et planè uetus codex non habebat præ-  
positionem à. Vnde non dubito scripturam uitiatam.

Omnia enim plerunq; quæ absunt.

Horatius Ode prima Epodon : Minore sum futurus in  
metu, qui maior absenteis habet. Item non ita multò post,  
Agger ( inquit ) ab uniuersis in munitionem coniectus, et  
ascensum dat Gallis, et ea, quæ in terrā occultauerāt Ro-  
mani, cōtegīt. Quid sit aggerē in munitionē coniicere, cō-  
minisci nō potui. Vtrum aggestā terrā in fossas cōiicere?  
Cæterum nimis concisè hunc finit librum, territus, opi-  
nor, magnitudine eius ad reliquos, sed res non est tanti.

ANNO T. IN LIB. VII.

FINIS.

## IN AVLI HIRTII DERE LICTORVM DE BELLO GAL

lico librum VIII. Henr. Glareani  
annotationes.

**I**N PRAEFATIONE excusat  
se Hirtius, ne post Cæsarem temere scripsisse  
uideatur. Deinde motum Bellum in Biturigi-  
bus et Carnutibus refert, et quomodo his  
domitis, Cæsar in Bellouacos processerit. Trahitur res  
paruis prælijs. Bellouaci à loco, quem munitissimum insti-  
tuerant discedunt. Cumq; insidias Romanis pabulatori-  
bus duce Corbeo instruerent, Cæsar intellecto dolo, insi-  
dias



Mittit in diuersissimam partem Galliae.

Nō satis intelligitur in quā partē missus sit Fabius, nisi ex sequētibz, quando C. Caninio succurrit in Lemouicis.

Neq; C. Caninium Rebilum legatum.

Ad finem libri septimi C. Caninius in Ruthenos cum una legione mittitur, hic mox in Lemouicos uenit duabus legionibus.

Ac superiore æstate Tergestinis.

Tergestū Colonia in Istria est in intimo Hadriatici maris sinu, non longē ab Aquilegia, Carnorum oppido, hodie Ditionis Veneta in tota Istria.

Literis nuntijsq; Duracij cognouisset.

Ex Duracio Marlianus populū et oppidum facit, hoc est, ex homine saxum. Duracius enim Lemouicum dux fuit à parte Romanorum, contra Dumnacum ducem Andium. Duracius igitur in Lemouico oppido clausus fuit et obsessus à Dumnaco, liberabatur autē à Caninio & Fabio. Ceterū Lemouicum non erat ad Ligerim, quod Marliano tamen uisum est, sed Dumnacus discedit à Lemouico ad Ligerim, quē fluuium transire cupiebat, à Fabio impeditus.

Circundare conatur.

Moratur legendum est: non enim perfecit Caninius has munitiones ante pugnam: de qua paulò pōst.

Cutruatum ad supplicium.

Ab initio v. i. lib. uocat Cotuatū, quod nomen placet. Cæsar enim corrumpit Gallicam uocem Guotwad, qui egregijs est suris, Græci ὀβρυχιδία uocant.

Reliquam esse unam æstatem.

Due reliquæ sunt, ut ex sequentibus patet, & maxime ex initio tertij libri de bello ciuili. Nā ibi ait eum annum

esse quo per leges ei consulem fieri liceret. Fortassis autem  
sesquiannus restabat.

Scio Cæsarem.

Epilogus libri est, & incipit nunc nonus annus, siue  
hyems, quæ præcessit nonum annum maiore ex parte.

Ipse hybernis peractis contra  
consuetudinem.

Contra consuetudinē ait, quia antea sub aduentū hye-  
mis solebat in Italiā proficisci, hic uerò sub aduentū ueris.

Vt municipia & colonias appellaret.

Hic & ex sequentibus uerbis satis clarū euadit colonos  
quoque suffragia tulisse Romæ in magistratibus creandis.

Sed etiam per se discessionem  
facere cepit.

Hic locus corruptus est, nam de quo loquatur, qui dis-  
cessionem fecerit, ignoratur. Curio enim nullum habuit  
exercitum.

Nam Marcellus proximo anno.

Loquitur de C. Marcello Cōsule prioris et huius annorū.

Nec obscuræ hæ duæ legiones  
uni Cæsari.

Vide lib. v. ab initio de hoc delectu. Nam prouinciam  
intelligo Cæsaris, & non Pompeij.

Per hyberna C. Trebonium.

Historia hyemis quæ præcedebat annum decimum, sal-  
tem ad Calendas usque Ianuarias, quo anno c o s s. erant,  
quos paulò antè dixerat, C. Claudius Marcellus, & L.  
Lentulus Crustellus.

Per M. Marcellum.

Legendum est C. Marcellum, qui huius anni Consul fuit,  
& præcedentis.

## IN C. IULII CAESARIS

RIS COMMENTARIORVM

de bello Ciuili librum 1. Henr. Glareani annotationes.

Argumentum libri primi de bello Ciuili.



**I**N primo libro de bello Ciuili hæc ordine habentur. Contentio in senatu Roma. de imperio Caesaris. S. consulta aduersus Caesarem. Intercessio tribunorum pro Caesare. Caesaris apud milites concio. Eiusdem à Rauenna discessus ad Ariminum, ac reliqua superi maris oppida, quæ præsidij firmat. Multi à Caesare capiuntur: sed omnes incolumes dimittuntur. Quæ ad Corfinium acta ac Brundisium, profusius explicantur, quòd illic Domitius captus, hic Pompeius uix euasit. Diuisio exercitus Caesariani. Curio in Africam, Caesar Romam proficiscitur, atq; inde Masiliam. Masilienses recepto Domitio Caesari portas clauferunt. Relictis itaque ad eius urbis obsidionem C. Trebonio & D. Bruto, Caesar in Hispanias proficiscitur. Erant Afranius, Petreius, ac Varro Pompeij legati tres, qui Hispaniam septem legionibus obtinebant, præter Prouinciæ auxilia. C. Fabius tribus legionibus præcesserat Caesarem. Ad Ilerdā omnis belli uis conuersa, hic cum multis diebus pugnis aliquot contendissent, tempestas Caesarem, omni commeatu intercluso, propè obruisset, uicit patientia. Non minus tamē interea Masilia oppugnatur, & ipsos quidem Masilienses Brutus uicit nauali pugna. Porro Afranius in Celtiberiam abire conati, à Caesarianis impediuntur, tandē ad deditionem coguntur, quàm mirum in modum tamē Petreius impedire conatus, res absque multorum sanguine tandem

ad felicem exitum peruenit. Clementiā suam Cæsar ostendit, exercituumq; dimissionem fecit, partim in Hispania, partim ad Varum flumen.

In eandem sententiam loquitur Scipio.

Hic fuit Metellus Scipio, Cn. Pompeij socer.

Dixerat aliquis leniorem sententiam.

Leniores tres adfert dictas sententiās, quāquam in unam duæ posteriores concedunt.

Item, L. Roscius Prætor.

Videtur hic Roscius esse de quo Florus x c i x. libro, qui & Otho cognomine, de quo Horatius lib. Epod. ode.

IIII.

Dicuntur etiam à nonnullis.

Pulchrè, sed mordaciter inimicorum causas narrat.

Et dolor repulsæ.

Huius repulsæ meminit Florus lib. c v i i i.

Ipse Pompeius. Lucanus:

Nec quengquam iam ferre potest Cæsar'ue priorem,  
Pompeius'ue parem.

L. Sylla reliquerat.

L. Sylla tribunitiam potestatem propè deleuerat, sed ius tamen intercedendi reliquerat, ut statim post Cæsar apud milites conqueritur.

Decurritur ad illud extremum atq; ultimum.

Sensus est: Nullus unquam lator huius legis tam audax fuit, ut hanc ferret, nisi penè in ipso urbis incendio, &c.

Lictoresq; habent in urbe.

Hic sunt multæ incertæ distinctiones.

Quib

Quibus rebus cognitis.

Oratio est accusatoria, maxime autem in inimicos Caesaris, hoc est, Catonem et Scipionem inuicitur. Pompeium propter summam auctoritatem, primum non ausus directe petere, at sumpta audacia deinde notat. Primum quod falso gloriaretur de restituta post Syllae tempora tribunitia potestate, cum nunc eam prorsus obruat. Secundò, quòd Senatus decretum, quo in ultima tantum necessitate populus Romanus utebatur, inuerterit.

Expiata Saturnini.

De hoc Saturnino uide Florum in Epitome lib. LXIX.  
et de Gracchis lib. LVIII. ac tribus sequentibus.

Ariminum cum ea legione proficiscitur.

Hic Caesar transiit Rubiconem armem armata manu, contra s. c. dicens, Iacta est alea, ut refert Sueton.

Tamen hanc honoris iacturam.

Hic exponit beneficium populi Romani.

Interea certior factus Tignium, &c.

Pro Tignium uide ne sit legendum, Firmium, oppidum in Picenis ad superum mare, ut sunt alia hic enumerata.

Auximumque proficiscitur.

Auximatum meminit Plin. lib. III. cap. XII. proxime Anconam.

Deferitur à suis Varus.

Hic Varus protinus ex hac fuga in Africam uenit, quam Prouinciam Praetor antea possedit, ac illam à Cesare auertit.

Etiam ex Cingulo.

Cingulanorum meminit Plinius bis, Semel in Latio cap. V. lib. III. Semel in tractu Piceno cap. XII. eiusdem libri.

Ex Alba, & Marſis, & Pelignis.

Albenſium Albā ad Fucinum lacū ponit Pli. lib. III. ca.  
xii. Ptolemæus Albā Buccelin uocat, ac Marſis attribuit.

Pollicetur quadraginta in ſin-  
gulos iugera.

Vide ne quaterna legendum pro quadraginta. Quomo-  
do enim hoc tot cohortibus Senator unus daret?

Lucretius & Actius de muro ſe, &c.

Hic Actius Pelignus fuit, non Varius ille, de quo paulo  
antè.

Quid iſtis Corfinienſibus,  
quid Domitio.

Expectatio erat quid accideret Corfinienſibus, Domi-  
tio, &c. Nam exiſtimabant Cæſarem ſeuiturum in eos.

Itē, LX. Quod aurum abduxe-  
rat Domitius.

Si legas ſeſtertia ſexaginta, ſumma crit coronatorū mil-  
le quingētorum. Quæ ſumma uidetur nimis parua. Quare  
legendum exiſtimo, ſeſtertium ſexagies: Quæ ſumma cre-  
ſcit in centena quinquaginta millia coronatorum.

Ferentinorum.

Frentanorū legendū uidetur ex Pli. lib. III. ca. II. & XII.

In Siciliam Curionem proprætorem  
cum legionibus tribus.

Intelligit triginta cohortes Domitianas, quas Corfinij  
uacſus erat.

Sin timore refugiant, illis ſe honorem.

Legendum puto: ſin timore defugiant illi, ſe ſuo honori  
non deſuturum, ſed per ſe remp. adminiſtraturum.

Albicos barbaros homines.

Strabo lib. III. ita habet: Poſt Sallyes tenent Albien-  
ſes,

es, & Albici, & Vocontij montana in Septentrionem  
uergentia.

### Et Iluorum.

Non satis clarum est qui sint Ilui, cum Ilua apud Ptole-  
mæum sit duarum insularum nomē: alterius inter Corsicā  
& Sardinā: alterius Hetruriæ, x. mil. pass. à Populonia,  
ut ait Plin. De his non uideo ut hic locus intelligi queat.

Alter bello uictas Gallias attribuerit.

Et hoc quoq; suspectum est, de uictis Gallijs Masiliensibus  
attributis, nisi intelligamus, ideo Cæsarem quoq; suspi-  
ciendum, quod uictas Gallias Romanis attribuerit. Verum  
quid hoc ad Masilienses, erga quos Pompeij priuata erāt  
beneficia?

Naues longas Arelate numero, &c.

Ptolemæus Arelatum Sallium & oppidum, & coloniā  
facit.

Alter à saltu Castulonensi.

Castulonem Ptolemæus facit urbem Oretanorum ad  
Anam flumen. Vectones autem inter Tagum & Dorium  
flumina ponit.

Bellum ad Ilerdam.

Ilerda oppidum est citerioris Hispaniæ ad Sicorim flu-  
men x. x. millibus passuum ab Ibero amne.

Hinc optimi generis hominum ex  
Aquitanis.

Intelligit de ijs, qui ad Gebennam, & Cénomannorum  
montes habitant.

Et postero die omnibus copijs, &c.

Hoc in loco Cæsar uidetur transisse Sicorim, quamuis  
loca superiora cum hoc non admodum quadrēt: tota enim  
huius historiæ difficultas inde pendet, quod ubi Afranij

g 4 castra,

castra, citra ne Sicorim fuerint, an ultra, scire planè non possumus. Ex superioribus citra flumen fuisse uidentur, sed ex sequentibus ultra. Lucanus tamen dicit Sicorim medium fuisse intra Castra Cæsaris & Affranij:

—Medius dirimit tentoria gurgēs.

Erat in oppido Ilerda & proximo.

Vide num legendum sit, erat inter oppidum Ilerdam & proximum collem: atque ita legit Sulpitius Verulanus Lucani commentator.

Sicorim, & Cingam.

De Cinga suprà nihil dictum est, sed uidetur hic locus significare satis luculenter Cæsarem Sicorim transieciſſe.

Cætrati citerioris Hispaniæ.

Hic Cætratos uocat citerioris Hispaniæ, cùm superius ulterioris uocasset, & citerioris Scutatos.

Et loca trans flumen integra.

Vide quomodo dicat trans flumen, si Ilerda ultra Sicorim fuit, cùm Fabius superius pabulatum miserit trās pontes, quòd ea, quæ citra flumen fuerant, superioribus diebus consumpserat.

Imperat militibus Cæsar, ut naues faciant.

Vide ab initio lib. v. et deinceps per aliquot folia: quāquam ne his quid similes erant, opinor.

Militesq; his nauibus transportat.

Sicorim hic traiecit, quando quidem hunc postea auertere pluribus fossis annitur, ne magno circuitu per pontem equitatus esset mittendus.

Hæc ad insulam quæ est contra Malsiliam.

Strabo lib. i i i i. Stæchadas uocat tres insulas. Lucanus



nus autem libro 111. unam uocat.

Interim Oscenses & Calaguritani.

Oscæ oppidum est Ilergetum autore Ptolemæo. Plinius lib. 111. cap. 111. Calaguritanos duplices facit, alteros Nascicos, alteros Fibularense cognominatos. Ceterum Lascetani & Ausetani citra Iberum populi apud Ptolemæum corruptè Leitani ac Autetani nominantur. Illurgauonenses qui sint, non est certum. Plinius Illuronem eodem loco ponit, oppidum ciuium Romanorum.

Pons enim ipsius magnum circuitum, &c.

Viginti enim millibus duobus à castris Cæsaris aberat, ut superius habitum est.

Impedimentisq; ad iter profectos uidebant.

Reliquerant enim legionem unam præsidio castris, apud Ilerdam, ut supra dixit.

Alterum si Taraconem peterent.

Vel hoc suspectum est nomen, uel Afranius ac Petreius ignorabant Taraconenses ad Cæsarem defecisse, quod ipse tamen Cæsar superius scripsit.

Non enim amplius pedum millibus, &c.

Tutum nanque receptum dabant castra propinqua, ut statim subiungit Cæsar.

Si prælium committeretur, &c.

Tertiam partem interiectæ planicie intelligit.

Illi uadum fluminis Sicoris tentare.

Vide & hic Ilerdam citra Sicorim.

Audiente utroque exercitu loquitur Afranius.

Oratio deiecti animi enumerantis quæ omnes sciebant,

scilicet ut purgatus apud suum imperatorem uideretur.

Ad ea Cæsar respondit.

Magnanima responsio est, nec minus ingeniosa, qua omnem huius belli culpam in aduersariorum duces deriuat. Primum enim & se, & suum exercitum, deinde & illorum exercitum purgat, quod omnes in officio manserint, solos ipsos duces Afranium, ac Petreium in culpa esse omnium harum calamitatum. Inuehit inde in Pompeium ac suos complices, ostendens, quanta iniuria ipsum affecerint. In fine breuem quidem, sed amaram ducibus gratam exercitus ponit conclusionem.

In se ætatis excusationem nihil ualere.

Qua Pompeius etiam emeritos coëgit ad bellum.

Ad Varum flumen dimittantur.

Id flumen est, Italiam à Gallia Transalpina separans.

## IN C. IULII CAESARIS

COMMENTARIORVM,

De bello Ciuili librum 11. Henr. Glareani

Annotationes.

Argumentum secundi libri.



ITALIA hoc in libro tractantur. Primum Massiliæ oppugnatio mari ac terra. Mari rursus uicit D. Brutus, terra perdifficilis fuit oppugnatio, operibus sanè mirandis, quæ diligentissimè descripsit Cæsar, quæ hostes datis inducijs perfidia deleuerunt. Reparatur rursus inauditus agger à Trebonio. Tandem Massilienses omnibus uicti malis sese Cæsari, qui iam ex Hispania denuo uictor redierat, deditere.

Secund

Secundum, ut M. Varro Pompeij legatus Hispaniam ulteriorem à Cesare auertere conatus sit, sed frustra. Nam prouinciæ consensus, ciuiumq; Rom. Cordubæ officium obstabant Varroni. demum unius legionis secessio coëgit eum, ut sese Cesari dederet. Tertium, ut in Africa aduersam fortunam Caesaris exercitus Curioni Tribuno traditus, passus sit. Nam cum primo aduentu prælijs aliquot Curio aduersus Actium Varum, Pompeij legatum, prosperè pugnasset, Vticamq; oppidum oppugnare conatus esset, subito aduentu Iubæ, Maurorum regis, cum Curio Saburam eius præfectum, cum paucis subsidijs adesse, ex perfugis captiuis que percepisset, oppressus est, cum toto propè exercitu. Pauci enim nauibus in Staliam effugerunt, reliqui facta deditione ac in fidem accepti à rege Iuba trucidati sunt.

In hac ratione perfectum est.

Duas res hic Caesar describit, Primò turrim latericiam, secundò musculum. Turris ad repentinos hostium incursum reprimendos facta erat. Musculus autem aduersus rerum grauiissimarum lapsum, ut turris aut totius muri. Ab turri hostes à muris deturbabantur. Sub musculo uerò milites murum Massiliensem, ac turrium fundamenta uellebant. In descriptione turris, singulis contabulationibus singulas contignationes subiungit, cum munitionibus desuper structis.

Centones insuper  
iniecerunt.

Centones stragula sunt crassiora, uillis passim pendentibus, quibus & lecti pauperum sternuntur, & tabernacula, omnisq; castrensis supellex pluuiò tempore uelantur. Vide adagium, Farcire centones.

Has

Has inter se capreolis molli fastigio.

Capreoli ligna sunt à transuersis trabibus ad columen usque erecta, quæ totum culmen sustinendo colligunt. Vide Vitruuium lib. I I I I. cap. I I.

Phalangis subiectis ad turrim, &c.

Phalange sunt ligna teretia, qualia sunt quæ nauigijs, dum uel subducuntur, uel deducuntur, supponi solent.

Aequa ferè latitudine.

Altitudinē initio huius libri prædixit, latitudinem nusquam: quare pro latitudine suspicor altitudinē legendum.

Pilæ interponuntur.

Pila dicitur quæ parietem sustentat, ab opponendo, ut Varro sentit, ita uocata.

Si ad Rempub. administrandam

H. S. C L X X X X.

Legendū puto Sestertiū nonagies, ut efficiant ducenta ac uiginti quinq; millia coronatorum. Veri enim simile est maximam summam primū posuisse: et in uetustis codicibus illud millia, nō est positū, post centū nonaginta. Quāquā si quis sestertiū centies nonagies legat, habet quo se defendat. Erit autem summa ingens quadringentorū septuaginta quinq; nullium coronatorū. Atq; id magis uerisimile ad fidem codicum, et ad eam quæ sequitur summam.

Panico enim uetere.

De panico uide Plinium lib. X V I I I. cap. V I I.

Hanc remulco abstraxit.

Remulco est, cum scaphæ remis, nauis magna trahitur. Festus Pompeius.

Quod est antè oppidum substructio-  
nibus eius operis.

Substructio est fabrica quæ in fundamentis fit. Funda-  
menta

*menta autem sunt fossæ, in quibus subtruitur.*

Quas superioribus temporibus  
Corfinio receperant.

*Loquitur de triginta cohortibus, de quibus supra.*

Dimisso consilio concionem ad-  
uocat, &c.

Oratio est laudatoria dissuasoriaq; . In primis enim  
laudat milites, deinde inuehit in hostes, maximè in L. Do-  
mitium, postremo de se ac militibus & eorum rebus ge-  
stis differit.

Et capitis diminutione.

Capitis diminutio est prioris status permutatio, Caius.

Erat in oppido multitudo  
insolens.

Alibi legitur, illi amicissimi erant : tum etiam ex ua-  
rijs generibus constarent.

Et controuersijs Leptitanorum  
restitisse.

Omnes autores Leptas ad Orientem Vtica ponunt, &  
Numidiam ab Occasu. Considerandum igitur Lectori, quo  
pacto hunc locum intelligat.

ANNOT. IN LIB. II. DE  
BELLO CIVILI  
FINIS.

IN C. IVLII CAESARIS  
COMMENTARIORVM,  
De bello Ciuili librum III. Henrici Gla-  
reani Annotationes.

Argumentum tertii libri.

**P**RIORIBVS libris res Occidentis narra-  
te sunt, uidelicet in Italia, Gallia, ac Hispa-  
nia, ac etiam Africa. Nunc quæ res in Orien-  
te gestæ sint, describuntur. Et ut Cæsar bis  
malè apud Dyrrhachium pugnauerit. Pompeius uerò in  
Thessalia apud Pharsalum urbem una ingenti pugna ui-  
ctus, in Aegyptum fugerit, atque ibi iussu Ptolemæi regis  
interfectus. Vnde bellum Alexandrinum ortum, quod libro  
deinceps quarto prosequitur A. Hirtius.

Item Prætoribus, Tribunisq; Ple.

Meminit Sallustius in Catilinario bello de hac lege.

Qui se illi in ocio ciuilis belli.

Hic uidetur desiderari uerbum aliquod, etiam si tota  
sententia ad priora referatur.

Ex quibus sexcentos Gallos

Deiotarus adduxerat.

Vide Lucanum lib. v. non ita longè ab initio.

Pastorumq; suorum coe-  
gerat. c c c.

Quidam codices nos habent c c c. Sed post Gal-  
logræciam, habent tantundem, ut intelligamus etiam  
d c c c. quanquam quidam codices pro d c c c. ha-  
bent c c c c.

Dardanos Bessos.

Dardanos legendum Bessosq;.

M. Bi

M. Bibulus præpositus cuncta.

Calphurnius intelligitur, qui Cos. fuit cum C. Cæsare ante bellum Gallicum.

Vt suprà demonstratum est,  
legionibus VII.

Legionum mentio antè non est habita, quæ quidem navibus impositæ fuerint, sed militum legionariorum. Quorum quindecim millia dixit. Quæ quàm quadrent cum hoc numero, haud certò pronuntiarim.

Sed post discessum Lyburnarum,  
ex Illyrico.

Locus est perobscurus, & videtur tempus describere longè ante aduentum Cæsaris in Græciam, nempe eius æstatis aut autumnus, ante hanc hyemem, qua ipse Cæsar in Hispaniis fuit: suspicor etiam hic aliquot uersus desiderari de historia, ut diligenter legenti satis patet.

Hissam à Cæsaris amicitia auertit.

Hissa insula est, & ciuitas è regione Salonarum, eius rursus mentio fiet libro IIII. quando rursus in manus Cæsaris uenit.

Iamq; hyems appropinquabit.

Paulò antè Nonis Ianuar. à Brundisio discessum est, hic appropinquat hyems. Sed necesse est Octauij historiam de priore autumno intelligi, & mutilam à principio esse, ut iam admonuimus.

Militumq; deditione ad Corcyram.

De hac nihil hætenus scripsit, sed neq; in posterioribus.

Vibullius his expositis Corcyrae  
non minus.

Paulò antè Pompeius Dyrhachij dicitur fuisse: ergo hoc suspectum.

Eodem

Eodem die Oricum proficiscitur.

Ex hoc loco apparet Pharsaliam, ut ipse antea uocauit, non longè ab Orico distare, quippe qui eo die expositis militibus illuc profectus fuerit.

Ibi Parthinorum habebat.

Horum meminit Plin. lib. 111. cap. xxiii. Sunt enim montani in Macedonia.

Hos sequuntur Bellidenses,  
Amantini.

Amantinorum & Bellidensium meminit Plin. lib. 111. cap. x. tametsi Bullidenses nominat, & Bullidis meminit Ptolemæus & Amantie ad idem littus Orientale maris Hadriatici.

Iisdem temporibus Romæ

M. Cælius Rufus.

Digressio est ad res gestas in urbe, à duobus Prætoribus Cælio, qui pro Pompeio erat, & Trebonio, qui pro Cæsare: sed Cælius malum finem accepit.

Vt sexies seni dies sine usuris  
creditæ, &c.

In alijs libris non adest seni dies, & planè nullus est hic sensus, si seni dies legatur. Sin autem tollatur, sensus erit, ut creditæ pecuniæ soluantur sine usuris per sex partes siue solutiones: cuius rei exempla sunt apud Liuium.

Aliam tabularum nouarum.

Hic uidetur aliquis defectus esse. Est enim insignis obsecratis posterioris legis.

Atque arma Capuæ essent comprehensa.

Et hic locus malè habet, propter uerbum apparere, quod, quò referendum sit, non apparet, nisi dicas proditione oppidi uisa apparere, quod durum est.

111

Duriusq;



Duriusq; quotidie tempus ad  
transportandum, &c.

Sensus uidetur durior, sed hoc uult dicere, Caesarianos  
increbrescentes uentos optasse, non remissos.

Vltra Lyssum millia passuum tria.

Lyssus urbs est littoralis infra Dyrrhachium, ut patet  
apud Ptolemæum.

Pontones, quod est genus na-  
uium Gallicarum.

Las postea naues onerarias uocat.

His temporibus Scipio detri-  
mentis quibusdam.

Diuertit nunc ad Scipionem Metellum Pompeij soc-  
rum, mira autem de eius auaritia scribit.

Et Naupacto relictis, omni.

Aetolia, &c.

Dubium quomodo relictæ præsidia intelligenda, si qui-  
dem omni Aetolia potitus est.

Nuntiatum est adesse Scipionem

cum legione.

Cum legionibus legendum puto, ut & præcedentia, &  
sequentia indicant.

Qui circum Thessaliam esse consueuerat.

Dubium Cottum'ne an Cassium referat illud, Qui.

Circiter millium passuum sex.

In alijs codicibus legitur circiter millia passuum tria,  
quod est uero similis.

Deductis oræ maritimis.

Redit rursus ad historiam Caesaris, & Pompeij.

Qui commeatus Biblide atq; Mantinea.

Legendum puto Bulide atq; Amantia, quod hæc due

h urbes

*urbes Cæsarem receperant, ut superius patuit.*

*Cæsar postquam Pompeium ad  
Asparagum esse, &c.*

*Pompeius iam decesserat ultra Asparagum, ut sequen-  
tia indicare uidentur.*

*Interim certior factus P. Sylla.*

*Hic est insignis defectus historie: caterum ex pu-  
gnæ, qui ab utraque parte multiplex fuit, hic particula  
cernitur.*

*Et Cassium cum cohortibus  
adiungit.*

*Suspicio cohortium numerum omissum iniuria tem-  
porum.*

*Erat eo loco fossipedum x v.*

*& uallus, &c.*

*Vtitur nomine uallus pro uallum, nisi corrupti sint  
loci sequentes. Vallus enim est stipes ipse, & ex multis  
uallis fit uallum.*

*Eò signo legionis illato.*

*Eò aduerbium ad locum est, non adiectiuum ad signo.*

*Erat obiectus portis Eritius.*

*Dubium Eritius sit ne nomen propugnatoris, an propu-  
gnaculi: Sed ex sequentibus propugnaculi uidetur.*

*Cuius opera proditum exerci-  
tum C. Antonij, &c.*

*De C. Antonio nulla antea est facta mentio, sed de M.  
Antonio. uerisimile est in defectu illo superiore id perscri-  
ptum fuisse.*

*Duobus his unius diei præ-  
lijs Cæsar, &c.*

*Alibi ita legitur, duobus his unius diei prælijs Cæsaris  
de fide*

desiderati sunt milites D C C C L X. Noti equites Ro-  
mani C C C C. Et Tutianus Gallus senatoris filius, & à  
Placentia C. & à Pineolis C. & à Capua X. sacrati iuri,  
& X. tribuni militum, & centuriones X X X I I.

Et Heracleam Senticam.

Heracleam Senticam uocat Ptolemæus ad Strymōnem  
fluium.

Quarum una prima, alte-  
ra tertia.

Vide ad finem libri V I I I. de bello Gallico, ubi tamen  
alteram legionem uocat decimam quintam.

Hæc erant millia L V.

euocatorum.

Hic planè celligitur legiones fuisse tūc quinque millium.

Cohortes in acie L X X X.

Vide miseræ & semilaceræ ac planè duplo diminutæ  
Cæsaris legiones. Nam octoginta cohortes efficere debe-  
bant millia X L.

Iisdem ferè temporibus Cæsius  
cum classe.

Tres Cæsij fuerunt, Lucius, Caius, ac Quintus. Lucius  
ac Quintus pro Cæsare erant, Caius pro Pompcio.

P. Sulpitius prætor Vibone  
ad fretum.

Plinius libro I I I. Cap. V. I. pro quod nunc Vibonem  
ualentiam appellamus. Hæc ille. Ptolemæus ita quoque no-  
minat, non longe à Locris post Brutios in Italia.

Erat edictum Pompeij no-  
mine Amphipoli pro  
positum.

Amphipolis oppidum est non longè à Strymōne amne,

qui Macedoniam à Thracis diuidit, de qua hic loquitur.  
Sed constat Pompeium non rectè à iuisse.

Arcem Antiochiam  
captam esse.

Dubia est hic lectio, arcem'ne Antiochenam, an arcem  
Antiochiæ, legere uelimus.

EIVSDEM GLAREANI AR-  
gumentum in 1111. librum.

**I**N hoc quarto libro hæc ordine habentur. Primum  
Alexandriæ oppugnatio terra ac mari, fortuna utriusq;  
partis, diuersum hominum studium, ac conatus uarij. In  
eo bello Rex Ptolemæus, cuius iussu Pöpeius occisus erat,  
interijt: fratri ac sorori maiori Cleopatæ reguum tradi-  
tur. Perijt à parte Cesaris Euphranor Rhodius. Et ad  
pontem milites legionarij cccc. In Asia Cn. Domitius  
parum feliciter pugnat aduersus Pharnacē Armeniæ re-  
gem. Et Gabinius in Illyricis, aduersum prælium fecit. Va-  
tini deinde diligentia res restituta, qui Octauium uicit,  
atq; tota Illyride Prouincia eiecit. Prouinciāq; ipsam in-  
columen, ipse cum omnibus suis incolumis, recepit. In Hi-  
spania mira de Q. Casij Longini, quem Cesar prætorem  
ibi reliquerat, auaritia narratur. In dissensionem uenêre  
duces legionum. Tandem finem inuenit Casius in Ibero  
flumine ubi perijt: denique res felicissimè aduersus Phar-  
naccem prælio ingenti uictum gesta ultimo narratur.

Eiusdem

**Q**uintus hic liber, sicut et sequens, non usque adeo accuratè scriptus est. Continet autem bellum gestum in Africa, aduersus eos qui ex Pharsalica pugna illuc fugerant. Porro hic solius Africae res gestae narrantur, non etiam aliarum nationum. Vrbes memorabiles Africae, quas apud uel confedere duces, uel pugnatum est, haec sunt: Adrumetum, Ruspina, Leptis, Atilla, Isdra, Vxita, Agar, Zetta, Vacca, Thabena, Tegea, Utica, Parada, Vsecta. In regno item Iubae Cirtha, ac Zama. Duces Pompeiani Scipio, Metellus, Iuba rex, T. Labienus, C. Concidius, Cn. Piso, duo Pacidij, M. Petreius, C. Vergilius Petronius, M. Aquinius, M. Cato, L. Caesar. Perire autem et multi à pugna, iusta acie congressis legionibus, et alijs ite locis Pacidius, Tullius, Rufus, M. Cato, qui sibi ipse mortem Uticae consciuit. C. Considius, Petreius, Iuba Rex cum suo praefecto Sabura, Afranius, Faustus, denique ipse Scipio. Caesar tota recepta Prouincia in Italiam redijt.

EIVSDEM GLAREANI AR-  
 gumentum in v. i. librum.

**E**x omnibus his libris solus hic uix dimidiatus, mutilus, et undique corruptus habetur. Continet autem bellum inter Cn. Pompeium, Pompeij filium, et C. Caesarem. Nam ut ex Africa fugerat Cn. Pompeius, Prouinciam ulteriorem Hispaniae occupauerat, praesertim Berythae loca, Sex. Pompeius Cordubam praesidio obtinebat, Cnecius Vllam oppidum oppugnabat, à qua retrahatur,

Atus, ut Cordubæ subsidio ueniret. Deinde ad Atteguam  
 deuenitur, eam Cæsar expugnauit. Res deinde gestæ ad  
 Vcubim oppidum. Deniq; ad Mundam uentum, ubi acri  
 pugna uictus Pompeius, occisi Labienus & Actius Va-  
 rus, cum triginta millibus hominum. Pompeius Car-  
 theiam concessit, Cæsar Cordubam ac Hispa-  
 lim recepit. Cùm uerò Cn. Pompeius in  
 Lusitaniam fugeret, occisus est in  
 itinere. Vltima oratio Cæsaris  
 est Hispalis habita post  
 ostensum Cn. Pom-  
 peij caput.

F I N I S.









